

ಶಿವರಾತ್ರಿ ಪುರಂ ಮಹಾತ್ಮ



ಕರ್ನಾಟಕ ಸರ್ಕಾರದ ಪ್ರಾಚಾರ್ಯ ಅಧಿಕಾರಿಗಳು, ಮೈಸೂರು

ಶ್ರೀ ಶ್ರೀ ವಿಶ್ವ ಪ್ರೇಮಾತ್ಮಾನಂದಜೀ
(ಡಾ. ಹೆಮ್ಮಂಡ ಸಿ. ಪುಣಜ್ಜಿ)

ಶಿವರಾತ್ರಿಪೂರಂ ಮಹಾತ್ಮೆ

ಶ್ರೀ ಶ್ರೀ ಶ್ರೀ ವಿಶ್ವ ಪ್ರೇಮಾತ್ಮಾನಂದಾಜೀ
(ಡಾ|| ಪೆಮ್ಮಂಡ. ಸಿ. ಪೂಣಜ್ಜ)



ಕರ್ನಾಟಕ ಕೊಡವ ಸಾಹಿತ್ಯ ಅಕಾಡೆಮಿ,
ಮದಿಕೇರಿ

†'Shivarathripuram' is a story written by Shree Shree Shree Vishwa
Premathmanandaji (Dr. Pemmanda C. Poonacha), published
by Karnataka Kodava Sahithya Academy, Madikeri.

- ಕ್ರಯ - ಉರ್‌ಪಿಯ 10-00
- ಹಕ್ಕು - ಕರ್ನಾಟಕ ಕೊಡವ ಸಾಹಿತ್ಯ ಅಕಾಡೆಮಿ,
ಮಡಿಕೇರಿ
- ಬೋಳಿಪಡ್‌ತನವು - ರಿಜಿಸ್ಟ್ರಾರ್
ಕರ್ನಾಟಕ ಕೊಡವ ಸಾಹಿತ್ಯ ಅಕಾಡೆಮಿ
ಸ್ಕಾಟ್ ಭವನ
ಜಿಲ್ಲಾ ಕ್ರೀಡಾಂಗಣ,
ಮಡಿಕೇರಿ - 571201
Ph- 229074

- ಅಚ್ಚುಮಾಡ್‌ನವು
ಪಿಂಞ ಮುದ್ರಣ - ಶಕ್ತಿ ಪ್ರಿಂಟರ್ಸ್,
ಇಂಡಸ್ಟ್ರಿಯಲ್ ಎಸ್ಟೇಟ್,
ಮಡಿಕೇರಿ
☎: 228829, 228382

- ಎದಿಕೆ ಪಾಳೆ ವಿನ್ಯಾಸ - ಹೈಷಿಕೇಶ್. (ಅಪು)

ಅಧ್ಯಕ್ಷರಂಡ ತಕ್ಕ

ಕೊಡವ ಸಾಹಿತ್ಯ ಪರಂಪರೆಲ್ ಎಚ್ಚಕೋ ಬಲ್ಯ ಬಲ್ಯ ಸಾಹಿತ್ಯಿಯ ಕಲಾವಿದಂಗ, ನಾಟಕಕಾರಂಗ ನಯಿಚಿತ್ ಕೊಡವ ಸಾಹಿತ್ಯತರ ಪರಂಪರೆನ ಬೊಳತಿಯಂಡ್ ಮಿಂಞ್ಲಾಕ್ ಬಂದಿತ್. ಎಚ್ಚಕೋ ಪುದಿಯ ಎಳ್ತಕಾರ ಪುದಿಯ ಪುರ್ಡಲ್ ಮಿಂಞ್ಲಾಕ್ ಬಂದಂಡ್ ಉಂಡ್. ಇಂತಯಿಂಗಡ ಎಳ್ತ ದಾಖಲೆ ಆಯಿತ್ ಮಾಡಂಡು, ಎಣ್ಣುವ ದೃಷ್ಟಿಲ್ ಕೊಡವ ಸಾಹಿತ್ಯ ಅಕಾಡೆಮಿ ಪುದಿಯ ಎಳ್ತಕಾರಕ್ ಒತ್ತಾಸೆ ಕೊಡ್ತಂಡ್ ಉಂಡ್.

ಕಾವೇರಮ್ಮರ ನೆಲತ್ ಪ್ರತಿಯೋರ್ ಮೊಟ್ಪ್-ಮೊಟ್ಪ್ ದೂರಳತೆಲ್ ದೇವಸ್ಥಾನ, ದೇವಡ ಸನ್ನಿಧಿ, ದೇವಾನುದೇವತೆಯಡ ಸ್ಥಾನ ಆಯಿತುಂಡ್, ಅಧ್ಯಾತ್ಮಿಕತೆಕ್ ಪೆದ ಪೋನ ಈ ಮಣ್ಣಲ್ ಋಷಿ ಮುನಿಯ ಇಂಜನೆಲೆ ಕಂಡ್ ಬಪ್ಪ, ಈ ಪೋಲೆ ತೂಚಮಕೇರಿ ಗ್ರಾಮತ್ ಶಿವರಾತ್ರಿಪುರಂ ಎಣ್ಣುವ ಜಾಗ ಪಂಡಂಚೆ ಪೆದಪೋನ ನೆಲೆ ಆಯಿತುಂಡ್. ಈ ನೆಲೆರ ಮನುಷ್ಯಂಡ ಮನಸ್ಸಲ್ ಅಧ್ಯಾತ್ಮಿಕತೆ ದೇವಡ ಮೇಲೆ ನಂಬಿಕೆ ನಾಸ್ತಿಕಂಗಳಾಕತೆ ಅಧ್ಯಾತ್ಮಿಕ ಚಿಂತಕಂಗಳಾಂಡೂಂದ್ ಎಣ್ಣುವಂಗಾಯಿತ್ ಡಾ|| ಪೆಮ್ಮಂಡ ಸಿ. ಪೂಣಚ್ಚ ಧರ್ಮದರ್ಶಿ ಎಳ್ಡನ್ "ಶಿವರಾತ್ರಿಪುರಂ ಮಹಾತ್ಮೆ" ಎಣ್ಣುವ ಅಧ್ಯಾತ್ಮಿಕ ಕೃತಿನ ಅಕಾಡೆಮಿ ಪ್ರಕಟ ಮಾಡಿತ್ ನಿಂಗಡ ಮಿಂಞಲ್ ಬೆಚ್ಚಿತ್.

ಮಡಿಕೇರಿ

ತಾ. 6-11-2003

ಚರಿಯಪಂಡ ಎಂ. ರಾಜಾನಂಜಪ್ಪ

ಅಧ್ಯಕ್ಷ

ಕರ್ನಾಟಕ ಕೊಡವ ಸಾಹಿತ್ಯ ಅಕಾಡೆಮಿ

ಮಡಿಕೇರಿ.

ಎಳ್ಳೆಕಾರಂಡ ತಕ್ಕ

ಭೂಲೋಕತ್ಲ್ ಸಕಲ ಜೀವಿಯಕೂ ಆಧ್ಯಾತ್ಮಿಕಲಾನ ಶಕ್ತಿ ಉಂಡೇದೆಣ್ಣುವ ಮನೋಭಾವ ಎಲ್ಲಾ ಧರ್ಮತಾರ ಧರ್ಮಬೋದಂಗ ಬೋದನೆ ಮಾಡಿತ್ ಎಣ್ಣುವದ್ ಅರಂಜ ವಿಷಯ, ಯುಗ ಯುಗಾಂತರತ್ಲೂ ಕೂಡ ದೇವಾನು ದೇವತೆಯಡ ವಿಚಾರವಾಯಿತೂ, ಇಂಞ ಭಕ್ತಿ ಪಿಂಞ ಶಿವಂಡ ಸುಮಾರ್ ಸಂದರ್ಭಕ್ ಸಂಬಂದಪಟ್ಟಿ ಅವತಾರ ಎಡ್ತಿತ್, ಭೂಲೋಕತ್ ನಡ್ತನ ಮಹಿಮೆನ ಪುರಾಣತ್ಲಿಂಜಲೂ ಋಷಿ ಮುನಿಯಡಲ್ಲಿಂಜಲೂ ಅರಂಜನ ಆದಿ ಪುರುಷಂಗಂಡ ಅನುಭವತ್ನ ವಂಶ ಪರಂಪರ್ಯೆಯಾಯಿತ್ ಎಣ್ಣಿತ್ ಅರಿಚನಕೆ. ಶಿವರಾತ್ರಿ ಪುರಂ ಮಹಿಮೆನೊ ಸಹ ಪೆರಿಯಯಿಂಗಡ ಬಾಯಿಯಿಂಜಿ ಅರಿಂಜಪೋಲೆ, ಈ ವಿಚಾರವಾಯಿತ್ ನಿಲೇಶ್ವರ ತಂತ್ರಿಯಡಲ್ಲಿ ಮಾಡಿತ್ ಶಿವರಾತ್ರಿಪುರಂ ಮಹಿಮೆನ ಅರಂಜಪೋಲೆ ಈ ಎಳ್ಳೆ-ಎಳ್ಳೆದಿತ್ ಮಾನವ ಜನಾಂಗತ್ ಆಧ್ಯಾತ್ಮಿಕತಾರ ಬಗ್ಗೆ ಮನವರಿಕೆ ಮಾಡುವ ನಿಟ್ವಲ್ ಪ್ರಕಟಣೆ ಪಡುತ್ತವಕ್ (ಅಚ್ಚ್ಚಿ ಮಾಡಿತ್ ಪುಸ್ತಕ ಬುಡುಗಡೆ)ಮಾಡುವ ಸಂಬಂದ ಸಹಾಯ ಮಾಡ್ತನ ಕರ್ನಾಟಕ ಕೊಡವ ಸಾಹಿತ್ಯ ಅಕಾಡೆಮಿರ ಅಧ್ಯಕ್ಷಂಗಕೂ, ಅಕಾಡೆಮಿರ ಸರ್ವ ಸದಸ್ಯಂಗಕೂ ವಂದನೆ ಮಾಡುವಿ.

ಶ್ರೀ ಶ್ರೀ ಶ್ರೀ ವಿಶ್ವ ಪ್ರೇಮಾತ್ಮಾನಂದಾಜೀ

(ಡಾ|| ಪೆಮ್ಮಂಡ ಸಿ. ಪೂಣಚ್ಚಿ)

ತೂಚಮಗೇರಿ ಗ್ರಾಮ,

ವೀರಾಜಪೇಟೆ



ಶಿವರಾತ್ರಿ ಪುರಂ ಮಹಾತ್ಮೆ

ಕೃತಾಯುಗ (ಸತ್ಯಯುಗ)

ಭಾರತ ರಾಷ್ಟ್ರತ್ ಮಹಾಶಿವರಾತ್ರಿ ಬಲ್ಯೋರ್ ಆಧ್ಯಾತ್ಮಿಕ ನಮ್ಮೆ. ಈ ನಮ್ಮೆನ ಭಾರತೀಯ ಜನಾಂಗತ್ರ ಎಲ್ಲಾ ಕೋವುರ ಜನಾಂಗಲು ಶೃದ್ಧೆ ಪಿಂಞ ಭಕ್ತಿಲ್ ಯುಗಾಂತರತ್ಂಜಿ ನಡತಿಯಂಡ್ ಬಂದಕೂಳ್ಳು ವಿಚಾರ ಪೆರಿಯಯಿಂಗಡ ಬಾಯಿಂಜಿ ವಂಶ ಪಾರಂಪರೆಯಾಯಿತ್ ಅರ್ಜಂಡ್ ಬಂದಂತ ವಿಚಾರ ಕಾಲಕಯಿಂಜನಕೆ ಇನ್ನತಾಂಡ ಆಚರಣೆನ ಕಮ್ಮಿ ಮಾಡಿಯಂಡ್ ಬಂದಡುಳ್ಳದ್ ಹಿಂದೂ ಜನಾಂಗಕ್ ಬರ್ಕತ್ ಇಲ್ಲತಾಯಿತ್, ಇಂದೆತ ಕಾಲಕ್ ದೇವಲೆ ಇಲ್ಲೆ ಎಣ್ಣುವಚ್ಚಕ್ ಮಟ್ಟಿಗೆ ಯುವ ಪೀಳಿಗೆಯ ಬಂದದ್ ಕೇಡ್ ಕಾಲತ್ ನಾಯಿ ಮುಟ್ಟೆ ಇಟ್ಟನಕೆ ಆಯಿತ್. ಇದನಂರಿಜಿತ್ ಅಲ್ಲಲ್ಲಿ ಧಾರ್ಮಿಕ ಸಂಸ್ಥೆ, ಬ್ರಹ್ಮಚಾರಿಯ, ಆಶ್ರಮ, ಮಠ, ಭಜನೆ ಮಂದಿರತ್ರ ಮುಖ್ಯಸ್ಥಂಗ ಹಿಂದೂ ಜನಾಂಗತ್ನ ಅಕ್ಕಕ್ಕ ಕಾಕಿ ಕೂಟಿತ್ ಸತ್ಸಂಗ ನಡತಿತ್ ಆಧ್ಯಾತ್ಮಿಕ ಚಿಂತನೆ ಕೊಡ್ತಂಡ್ ಉಳ್ಳಾನ ಋಷಿ ಪಡುವಂತ ವಿಚಾರ. ಈ ಪೊಲೆ ಕೊಡಗ್ ಜಿಲ್ಲೆರ, ವಿರಾಜಪೇಟೆ ತಾಲೋಕಾರ ಹುದಿಕೇರಿ ಹೋಬಳಿಕ್ ಅಡಂಗ್ನ ತೂಚಮಕೇರಿ ಗ್ರಾಮತ್ ಪಂಡ್ಚೇ ಪೆದಪೋನ ಕಳ್ಳಕಡವು ಎಣ್ಣುವಲ್ಲಿ ಕೃತಾಯುಗತಿಂಜೆ ಅನ್ನ ಸಂತರ್ಪಣೆ ನಡತಿಯಂಡ್ ಬಂದಡುಳ್ಳ ಓರ್ ಪುಣ್ಯ ಕ್ಷೇತ್ರ. ಈ ಕ್ಷೇತ್ರ ತೂಚಮಕೇರಿ ಬಲ್ಯಮುಂಡೂರು, ಬೆಳ್ಳೂರು



ಪಿಂಞ್ ಕೋಣಂಗೆಲಿ ಕೂಡಾನನಕ್ಕೆ ನಾಲ್ ಗ್ರಾಮತರ ಸರಹದ್ದಾ ಕೂಡಾನ ಒರ್ ಜಾಗ. 1958ಲ್ ಈ ನಾಲ್ ಗ್ರಾಮತರ ಸರಹದ್ದಾ ಕೂಡಾನ ಕಳ್ಳಕಡವಲ್, ಪೆಮ್ಮಂಡ ಎಂ. ಉತ್ತಯ್ಯ ಇಯಂಗ ಒರ್ ಆಶ್ರಮ ಕೆಟ್ಟಿತ್ 1980 ಕೆತ್ತನೆ ಕಾಲಕೊಮ್ಮ ಶಿವರಾತ್ರಿಯಂದ್ ಜಾಗ್ರಣೆ ನಡತೀತ್, ಅನ್ನಸಂತರ್ಪಣೆ ಕೊಡತಂಡ್ ಬಂದ ಒರ್ ಕ್ಷೇತ್ರ.

ಕೃತಾ ಯುಗತ್ಲ್ ಭೂಲೋಕತ್ ದೇವತೆಯಳೂ, ಪಟ್ಟಮಳೂ, ಮಾನವಂಗಳೂ, ಪಿಂಞ ದುಂಬಾ ಸಂಖ್ಯೆಲ್ ರಾಕ್ಷಷಂಗಳೂ ವಾಸ ಇಂಜಂಡ್, ರಾಕ್ಷಷಂಗ ದೇವತೆಯಕೂ, ಪಟ್ಟಮಂಗಳೂ ಆಯಿಂಗಡ ಕೂಟ್ಕಾರಕೂ ದುಂಬಾ ತೊಂದರೆ ಕೊಡಪಂಜತ್ ಇಯಂಗಡಲ್ಲಿ ಅಕ್ಕಕ್ಕೆ ಜಗಳ ನಡಂದಂಡ್, ದೇವತೆಯ ಆಯಿಂಗಡ ಕೂಟ್ಕಾರಳೆ ಮೇಲ್, ರಾಕ್ಷಷಂಗ ಕೀಳ್ ಎಣ್ಣುವ ಭಾವನೆ; ರಾಕ್ಷಷಂಗ ಮಹಾ ಶಿವಭಕ್ತಂಗ ಎಣ್ಣಿಯಂಡ್ ದೇವತೆಯಕೂ ಆಯಿಂಗಡ ಕೂಟ್ಕಾರಕೂ ತೊಂದರೆ ಮಾಡಿಯಂಡಿಂಜತ್ ಇನ್ನ ನಿಪ್ಪಕ ಶಿವಭಕ್ತಂಗ ದಾರ್, ದಾರ್ ಕ್ಕೇಳ್, ದಾರ್ ಮೇಲ್ ಎಣ್ಣುವ ಪರಿಶೀಲನೆ ಮಾಡುವಕ್ಕಾಯಿತ್ ಪಾಕಡ್ತಾನ ಮೇರು ಪರ್ವತತ್ ಕಡಂತ್ ಕ್ಕಟ್ಟವಂತ ಅಮೃತ ಪಿಂಞ ವಿಷತನ ದಾರ್ ಸ್ವಿಕರಿಚಿಡುವೊಂದೆಣ್ಣಿತ್, ಚರ್ಚೆ ವಾದ ವಿವಾದ ಮಾಡುವಕ ದೇವತೆ ಪಿಂಞ ಆಯಿಂಗಡ ಕೂಟ್ಕಾರ ಸಾಕ್ಷಾತ್ ಪರಮಾತ್ಮನ ನೆನಕತೆ, ಮಿಂಞಾ ಬಂದಾನ ದೇವತೆಯಳೇ ಸ್ವೀಕಾರ ಮಾಡೊಂಡು, ಎನ್ನಂಗ್ ಎಣ್ಣುಕ ಏದೇ ಒರ್ ಯಜ್ಜ ಜಪ



ನಡತ್ ಚೇಗಿ ಕಾರ್ಯನಡತ್ ನಂವೊ ಮಿಂಞ ತೀರ್ಥಪ್ರಸಾದ
 ಎಡ್ತಂಡ್, ಅಲ್ಲಿಂಜ ದೇವತೆಯಕೂ, ಪಟ್ಟಮಕೂ, ನಡತುವಕ್
 ವ್ಯವಸ್ಥೆ ಮಾಡ್ನವಂಗೂ ಕ್ರಮ ಬದ್ಧವಾಯಿತ್ ತೀರ್ಥ ಪ್ರಸಾದ
 ವಿನಿಯೋಗ ಮಾಡಿತ್, ಅಲ್ಲಿಂಜ ನೀಚಂಗಕ್ ಕಡೇಲ್ ಕೊಡ್ಪ
 ನಡಪ್ ಉಳ್ಳಪೋಲೆ, ಮಿಂಞ ಕ್ಷಾನ್ತಾನ ನಂಗ ಸ್ವೀಕಾರಮಾಡಂಡೂ,
 ಬಯ್ಯಂಜಿ ಬಂದಾನ ದುಷ್ಟಂಗಳಾನ ನಿಂಗ ಸ್ವೀಕಾರ ಮಾಡಂಡೂಂದ್.
 ಒಪ್ಪಚಾರ ಮಾಡಿಯಂಡತ್. ದೇವತೆಯ ಒಪ್ಪಚಾರ ಮಾಡುವಕ್
 ಮಿಂಞ ಪರಮಾತ್ಮನ ನೆನಕತೆ ಒಪ್ಪಚಾರ ಮಾಡ್ನಾಂಗ್
 ದೇವತೆಯಕ್ ಬುದ್ಧಿ ಪಡ್ಪುಚ್ಚೆಂಡೂಂದ್ ಎಣ್ಣಿತ್ ಪಾಕಡತ್ನ
 ಕಡಂದಲ್ಲಿ ಆದ್ಯವಾಯಿತ್ ವಿಷ ಬಪ್ಪನಕೆಯೂ, ಅಲ್ಲಿಂಜ ಅಮೃತ
 ಬಪ್ಪನೆಕೆ ವ್ಯವಸ್ಥೆ ಮಾಡಿಚಿ. ಪಾಕಡ ಕಡದಂಡಿಪ್ಪಕ ಆದ್ಯವಾಯಿತ್
 ವಿಷ, ಅಲ್ಲಿಂಜ ಅಮೃತ ಬಾತ್. ಒಪ್ಪಚಾರ ಪ್ರಕಾರ ದೇವತೆಯಳೂ
 ಕೂಟ್ಕಾರಳು ವಿಷ ಕುಡಿಕಂಡಿಯಾಚಿ. ವಿಷತನ ಒಪ್ಪಚಾರ ಪ್ರಕಾರ
 ದೇವತೆಯಳೂ ಕೂಟ್ಕಾರಳೂ ಕುಡಿಚತೇಂಗಿ ಚತ್ಪೋಪ ಪೋಡಿಲ್
 ಪರಮಾತ್ಮನ ತೊತ್ತಿತ್ ಬೋಡಿಯಂಡತ್, ಹಾ! ಪರಮಾತ್ಮನಂಗಕ್
 ಈ ರೀತಿಲ್ ಕೇಡ್ ಆನನ ತಪ್ಪಿಚಿಟಿತ್ ರಕ್ಷಣೆ ಮಾಡ್ಂಡ್
 ಬೋಡಿಯಂಡತ್ ದೇವತೆಯಡೇ ಕೂಟ್ಕಾರ ಬೋಡಿಯಂ
 ಡಂಗಾಯಿತ್ ಈ ಒಪ್ಪಚಾರತರ ವಿವಾದ ತ್ವೇಪಕಾಯಿತ್ ಭೂಮಿಲ್
 ಪ್ರತ್ಯೇಕ್ಷವಾಯಿತ್ ಏಕ ಕಾಲತ್ ವಿಶ್ವತರ ಎಲ್ಲಾ ಭಾಗತ್ ಅಲ್ಲಲ್ಲಿ
 ದೇವತೆಯಡ, ಕೂಟ್ಕಾರಕ್ ಪಿಂಞ ರಾಕ್ಷಸಂಗಡ ಈ ಒಪ್ಪ ಪಡೆಲ್



(ಪಂದ್ಯತ್) ಕಾಂಬ್‌ಚಿಟ್ಟಿತ್ ವಿವಾದ ತೇಪಕಾಯಿತ್ ರಾಕ್ಷಂಷಗಕ್ ಪಲ ರೀತಿಲ್ ಬೋದನೆ ಮಾಡಿಚಿ. "ಒಪ್ಪಚಾರ ಪ್ರಕಾರ ದೇವತೆಯಳೂ, ಕೂಟ್‌ಕಾರಳೂ ವಿಷ ಕುಡ್‌ಚತ್ತೇಂಗಿ ಅವು ಚತ್‌ಪೋಪ ಅದೇ ವಿಷತನ ರಾಕ್ಷಂಷಗಳಾನ ನಿಂಗ ಕುಡ್‌ಚತ್ತೇಂಗಿ ಚಾವುಲೆ. ನಿಂಗಡ ಚೋರೇಲ್ ವಿಷತನ ಸಹಿಸುವಂತ ಶಕ್ತಿ ಉಂಡ್. ಆಚೇಂಗಿ ದೇವತೆಯೂ ಪಿಂಞ ಆಯಿಂಗಡ ಕೂಟ್‌ಕಾರಕ್ ಆತರತ್‌ರ ಶಕ್ತಿ ಇಲ್ಲೆ. ಆಂಗಾಯಿತ್ ರಾಕ್ಷಂಷಗಳಾನ ನಿಂಗ ವಿಷ ಕುಡಿರಿ, ದೇವತೆಯಕೂ ಕೂಟ್‌ಕಾರಕ್ ಅಮೃತ ಕೊಡಿ ಈ ತೀರ್ಮಾನಕ್ ನಿಂಗ ಮನ್ನಣೆ ತಂದಿತ್ ವಿಶ್ವತ್ ದೇವತೆಯಳೂ, ಕೂಟ್‌ಕಾರಳೂ ಪಿಂಞ ರಾಕ್ಷಂಷಗಳೂ ಬಾಳಿ ಬದ್‌ಕೆಚೇಂಗಿ ವಿಶ್ವನಂದಾಪಂ"ದ್ ವಿವೇಕ ಎಣ್ಣೆಚಿ. ಆಂಗ್ ರಾಕ್ಷಂಷಂಗ "ನಂಗ ದೇವತೆಯಳೂ ಆಯಿಂಗಡ ಕೂಟ್‌ಕಾರಕ್‌ಂಜಿ ಬಲ್ಯ ಶಿವಭಕ್ತಗಳಾನಗುಂಡ್, ಒಪ್ಪಚಾರ ಪ್ರಕಾರವೆ ನಡಕಂಡೂಂ"ದ್ ಹರಮಾಡ್‌ಚಿ. ನ್ಯಾಯ ಪಿಂಞ ಧರ್ಮಪ್ರಕಾರ ಒಪ್ಪಚಾರ ಪ್ರಕಾರವೇ ಆಂಡು ನೇರೆ, ಆಚೇಂಗ್ ದೇವತೆಯ ಆದ್ಯವಾಯಿತ್ ನನ್ನ ಮರಂದಿತ್. ಆಹಂಕಾರತ್ ನಡಂದತ್. ಬಯ್ಯಂಜಿ ಪಶ್ಚಾತಾಪ ಪಟ್ಟಿತ್ ಬೋಡಿಯಂಡಾಂಗ್ ಆಯಿಂಗಡ ಭಕ್ತಿಕ್ ಮೆಚ್ಚಿತ್ ಲೋಕೋದ್ಧಾರಕಾಯಿತ್ ದೇವತೆ ಕೂಟ್‌ಕಾರಡ ಪರವಾಯಿತ್ ವಿಷತನ ನಾನ್ ಕುಡಿಪಿ. ಇದೋಳಿ ರಾಕ್ಷಂಷಗಳಾನ ನಿಂಗ ಅಮೃತ ಕುಡಿರಿ"ಂದೆಣ್ಣಿತ್ ಅಮೃತತಾರ ಪಾತ್ರತನ ರಾಕ್ಷಂಷಗಕ್ ಕೊಡ್‌ಪಂಜಿ ವಿಷತ್ ಪಾತ್ರನ ಎಡ್‌ತಂಡ್ ಪರಮಾತ್ಮ ಕುಡಿಪ. ವಿಷ



ಅಮೃತ ಆಯಿರತ್, ಅಮೃತ ವಿಷ ಆಚಿ. ಈ ಮಹಿಮೆನ ಅರಿಯತ ಪಾರ್ವತಿ ದೇವಿ ಶಿವಂಡ ತೊಂಡೆಲಿಂಜ ವಿಷ ಪೊಕತನ್ನೆಕೆ ತೊಂಡೆನ ಗಟ್ಟಿಯಾಯಿತ್ ಪುಡಿಚಂಡತೆಂಗೂ ಪಾತ್ರಲಿಂಜಾನ ಪೂರ್ತಿ ಕುಡಿಚಿತ್ ಪರಮಾತ್ಮ ಚಿತ್ತನಕೆ ಬುದ್ಧಾಪೋಚಿ. "ಶಿವ (ಪರಮಾತ್ಮ) ಚಿತ್ಪೋಚಿ ರಾಕ್ಷಷಂಗ ಅಮೃತ ಕುಡ್ಚಿತ್ ಚಿರಂಜೀವಿಯಾಯಿ ಪೋಚಿ. ಶಿವ ಚಿತ್ತ ಪಿಂಞ ನಂಗಕ್ ರಕ್ಷಣೆ ತಪ್ಪಕ್ ದಾರೂ ಇಲ್ಲತ್ತಾಚಿ ಭೂಲೋಕತ್ ರಾಕ್ಷಷಂಗಡ ಹಾವಳಿ ಜಾಸ್ತಿಯಾಯಿತ್ ನಂಗಕ್ ಜೀವನತ್ ಕಷ್ಟ ಆಚಿಲ್ಲಾ"ಂದ್ ಕೊರಗಿಯಂಡ್ ಚಿತ್ತನಕ್ಕೆ ಬುದ್ಧಾ ಪೋನ ಶಿವಂಡ ಸುತ್ತಾಲೂ ಭೂಲೋಕತ್ ಎಲ್ಲಾ ಜಾಗತು ದೇವತೆಯಳೂ ಆಯಂಗಡ ಕೂಟ್ಕಾರಳೂ "ಓಂ ನಮೋ ಶಿವಾಯ, ಓಂ ನಮೋ ಶಿವಾಯ ಓಂ ನಮೋ ಶಿವಾಯಂದ್" ಪೊಲೋಣೆಕೆ ಜಾಗ್ರಣೆ ನಡತ್ಚಿ ಇಯಂಗಡ ದುಖಿತ್ನೋ, ಭಕ್ತಿನೋ ಕಂಡಿತ್ ಪರಮಾತ್ಮ ಮೆಚ್ಚಿತ್ ಪೊಲಂಬಕ 4 (ನಾಲ್) ಘಂಟೆಕ್ ಶಿವ ಎದ್ದಿತ್, " ನಾನ್ ಚಿತ್ತಿತ್ಲೆ, ನಿಂಗಡ ಭಕ್ತಿನ ಅರಿವಕಾಯಿತ್ ಚಿತ್ತನಕೆ ಇಂಜ, ನಾನ್ ಚಾವದಿಲ್ಲೆ ನಾನ್ ಕಾಲತ್ಲ್ 365 1/4 ದಿನವೂ ಪೋಲ್ ಬೈಟ್ ನಿಂಗಡ ರಕ್ಷಣೆಕಾಯಿತ್ ಕಾತಂಡಿಪ್ಪಕ ಪ್ರತೀ ಕಾಲೋ ಎಲ್ಲಾ ಯುಗತ್ಲ್ ಭೂಲೋಕತ್ಲ್ ಇಪ್ಪ ಎಲ್ಲಾ ಜೀವರಾಶಿಯ ಇಂದತ ಒರ್ ಬೈಟ್ ನನ್ನ ಪಾರಕಾಕೊಂಡೊಂದ್ ಆಚ್ಚೆ ಮಾಡಿತ್ ಪ್ರತೀ ಕಾಲ ಅಂದೆತ್ ದಿನ ಶಿವರಾತ್ರಿ ಉತ್ಸವ ನಡತಿಯಂಡ್ ಜಾಗ್ರಣೆ ಇರೊಂಡ್" ಎಣ್ಣಿತ್ ಮಾಯ ಆಚಿ ಅದೇ ಪೋಲೆ ಅಂದ್ಂಜ ಮಹಾಶಿವರಾತ್ರಿ ಆಚರಣೆ



ನಡಂದಾ ಬಾತ್.

ರಾಕ್ಷಷಂಗ ಕುಶೀಲ್ ಅಮೃತ ಎಣ್ಣಿಯಂಡ್ ಕುಡಿಚದ್ ಶಿವಂಡ ಮಹಿಮೆಲ್ ಅದ್ ವಿಷ ಆನಾನಗುಂಡ್ ರಾಕ್ಷಷಂಗಡ ವಂಶಾವಳಿ ನಾಶ ಆಪಕ್ ಎಡೆಯಾಚಿ. ಈ ಸಂದರ್ಭಕ್ ಅನುಗುಣ ಆಯಿತ್ ಮಹಾಶಿವರಾತ್ರಿ, ಯುಗ ಯುಗತ್‌ಲೂ ನಡ್ತಿಯಂಡ್ ಭೂಲೋಕತ್ ಶಾಂತಿ, ನೆಮ್ಮದಿ, ಸತ್ಯತ್‌ನ ಕಾಪಾಡುವಕ್ ಒರ್ ಅವಕಾಶ ಮಾಡ್‌ನದ್ ಇಂದೆಕೂ ಮಹಾಶಿವರಾತ್ರಿರ ಆಚರಣೆ ಶೃದ್ಧೆ ಪಿಂಞ ಭಕ್ತಿ ಮಾಯ ಆಯಿತ್ ನಡಂದಂಡಳ್ಳದ್ ಹಿಂದೂ ಜನಾಂಗತ್‌ರ ಬದ್‌ಕ್‌ಲ್ ಬಾಗ್ಯವೇ ಸರಿ. ಶಿವಂಡ ಮೇಲೆ ಭಕ್ತಿ ಇಟ್ಟಿತ್ ರಾಕ್ಷಷಂಗ ಶಿವ ಎಣ್ಣೆ ನನಕೆ ವಿಷ ಕುಡಿಪಕ್ ಒತ್ತಂಡಿಜಕ ಆಯಂಗಡ ವಂಶಾವಳಿ ನಾಶ ಆಗತನೆಕೆ ಭೂಲೋಕತ್ ಕಲಿಯುಗತೂ ಕೂಡ ರಾಕ್ಷಷಂಗ ಇಂಜಿತ್ ಎಲ್ಲಾ ಜೀವ ರಾಶಿಯ ಅನ್ಯೋನ್ಯತ್ ಬದ್‌ಕಿತ್ ಸತ್ಯ, ಧರ್ಮತ್‌ನ ಕಾಪಾಡಿಯುವಕ್ ಅವಕಾಶ ಇಂಜತ್. ಪ್ರತಿಯೋರ್ ಜೀವರಾಶಿಯಡ ಅವಶ್ಯಕತೆ ಭೂಲೋಕತ್ ಇರಂಡು. ಹಿಂದೂ ಜನಾಂಗ ಅಲ್ಲತೆ ಬೋರೆ ಜನಾಂಗವೂ ಕೂಡ ಮಹಾಶಿವರಾತ್ರಿ ಆಚರಣೆ ಮಾಡತೆ ಇಂಜಕಲೂ ಆಯಿಂಡ ಆಯಿಂಡ ಧರ್ಮಕನುಸಾರವಾಯಿತ್ ಕಾಲಕ್ ಓರ್ ಬೈಟ್ ಜಾಗ್ರಣೆ ಆಚರಣೆ ಮಾಡಿಯಂಡ್‌ಉಳ್ಳದ್ ಕಂಡ್ ಬಂದಂಡ್ ಉಂಡ್. ಎಲ್ಲಾ ಧರ್ಮಕೂ ಗೌರವ ಮಾನ್ಯತೆ ಕಾಟಿಯಂಡ್, ಎಲ್ಲಾರು ಅಣ್ಣ ತಂಗೆಯ ಎಣ್ಣುವ ಬಾವನೆ ಬೆಚ್ಚಂಡ್



ಅನ್ನೋನ್ಯತೆಲ್ ಬಾಳಿ ಬದುಕುವದ್ ನಲ್ಲದ್. ಸತ್ಯತ್ನಗುಂಡ್ ದೇವ ಒಬ್ಬ ನಾಮ ಪಲತರ, ಆಂಗಾಯಿತ್ ಎಲ್ಲಾ ಧರ್ಮತ್ ಪೂರ್ಥನಾ ಮಂದಿರಕ್ ಗೌರವಕಾಟಿತ್ ನಂಗಡ ನಡಪು ಪೋಲೆ ತೊಪ್ಪದ್ ನಲ್ಲಮೆ. ಆಣ್ ಪೊಣ್ಣ್ ಎಣ್ಣುವ ದಂಡೇ ಜಾತಿ ವಿನಾಃ ಬೋರೆ ಇಲ್ಲೆ ಎಣ್ಣುವ ಬಾವನೆ ಆತ್ಮತ್ ಇರೊಂಡು, ಅಂದಕ ಮಾತ್ರ ಮಾನವೀಯತೆ ಇಪ್ಪ, ಈ ಪೋಲೆ ಕೃತಾಯುಗ (ಸತ್ಯಯುಗ) ಪ್ರಳಯ ಆನದೇ ತ್ರೇತಾಯುಗ ಪ್ರಾರಂಭ ಆಪ ಶಿವ ಅಮೃತತ್ನೊ ವಿಷತ್ನೊ ವಿತರಣೆ ಮಾಡಿತ್ ವಿಷ ಕುಡ್ಚಿತ್ ಚತ್ತನಕೆ ಬುದ್ಧಡಿಂಜ ಜಾಗ 5 ಅಡಿ ಚದರತ್ 1 1/2 ಅಡಿ ಎತ್ತರತ್ ಉಳ್ಳ ಒರ್ ಗದ್ದಿಗೇರ ಮಾದರಿಲೂ, ಪಾಪ ಪರಿಹಾರ, ತಪ್ಪು ತಿದ್ದಿತ್ ಆಧ್ಯಾತ್ಮಿಕ ಕಾರ್ಯ ನಡಂದಂಗಾಯಿತ್ ಆ ಗದ್ದಿಗೇರ ಎಡತೆ ಬರೀಲ್ ಗದ್ದಿಗೇಲಿಂಜ 2 1/2 ದೂರತ್ 1 (ಓರ್) ಅಡಿ ವ್ಯಾಸತ್ಲಾಲ್ 3 ಅಡಿ ಆಳ ಉಳ್ಳ ಯಜ್ಞ ಮಾಡ್ನ ಯಜ್ಞ ಕುಂಡ್ ಕೂಡ ಕೃತಾಯುಗತ್ಲಿಂಜಲೂ ಆಶ್ರಮ ನಿರ್ಮಾಣ ಆಪಲ್ಲಿಕೆತ್ತನಕೆ ಇಂಜಾನ ತಂತ್ರಿಯಡ ಮಾರ್ಗದರ್ಶನ ಪಿಂಞ ಶಾಸ್ತ್ರತ್ ಕಂಡ್ಬಂದನಕೆ ಆಶ್ರಮತ್ಲೊಳಲ್ ಇಕ್ಕಲೂ ಉಂಡ್. ಗದ್ದಿಗೇಲ್ ಒರ್ ಚರಿಯ ಶಿವಲಿಂಗ ಪಿಂಞ ವಿಶ್ವೇಶ್ವರಂಡ ವಿಗ್ರಹ, ಅಂಡ ಪಕ್ಕತ್ಲಾಲ್ ಮರತ್ಲಾಲ್ ಮಾಡ್ನ ಗೋಲ್ಗುಂಭ ಪಿಂಞ ಕ್ರೈಸ್ತಮತತ್ಲಾರ ಶಿಲ್ಬೆನೊ ಬೆಚ್ಚಿತ್ ದಿನಕ್ ದಂಡ್ ನೇರೆ ಪೂಜೆ ಪುನಸ್ಕಾರ ನಡತಿಯಂಡ್ ಉಂಡ್.



ತ್ರೇತಾಯುಗ : ಕೃತಾಯುಗ ಅಂತ್ಯ ಆನ ಪಿಂಞ ತ್ರೇತಾಯುಗ
 ಪ್ರಾರಂಭತಲಿಂಜ ಸತ್ಯ ಧರ್ಮ ಕಾಪಾಡಿಯಂಡ್ ಭೂಲೋಕತ್
 ಜೀವರಾಶಿಯ ಬದ್ಕಿಯಂಡಿಂಜತ್. ದಶರತ ಮಹಾರಾಜಂಡ
 ಅಧಿಕಾರ ಅವದಿಲ್ ಕಿಬ್ಬೆ ನಡಪಕಯ್ಯತೆ, ಸತ್ಯ ಧರ್ಮಕ್ ವಿರೋಧ
 ಆಯಿತ್ ಚೆನ್ನಂಗ್ ದುಷ್ಟತನ ಕಾಂಬ ಕಾನನ ಸಹಿಸುವಕಯ್ಯತ
 ಪರಮಾತ್ಮ ಶ್ರೀರಾಮಂಡ ಅವತಾರತ್, ಭೂಲೋಕತ್ ದಶರತ
 ಮಹಾರಾಜಂಡ ಪೆರಿಯ ಮೋಂವನಾಯಿತ್ ಜನ್ಮ ಎಡ್ತತ್.
 ಶ್ರೀರಾಮಂಡ ಚಿಕ್ಕವ್ವ ಕೈಕೆಕ್ ದಶರತ ಮಹಾರಾಜ ಕೊಡ್ತಿತಿಂಜ
 ಭಾಷೆರ ಪೋಲೆ ಅವಡ ಮೋಂವ ಭರತಂಗ್ ಪಟ್ಟಾಭಿಷೇಕ
 ಮಾಡಂಡೂ, ಶ್ರೀರಾಮ ವನವಾಸಕ್ ಪೋಂಡೂಂದ್ ಓರಾತ
 ಮಾಡ್ನಂಗಾಯಿತ್ ಶ್ರೀರಾಮ ಸೀತೆ ಲಕ್ಷ್ಮಣ ಸಮೇತ ವನವಾಸಕ್
 ಪೋಯಂಡಿಂಜತ್. ಆಕಾಲತ್ ತೂಚಮಕೇರಿ ಗ್ರಾಮತ್ ಪೆದಪೋನ
 ಕಳ್ಳಕಡವುಲ್ (ಶಿವರಾತ್ರಿಪುರಂ) 28 (ಇರುವತ್ತೆಟ್) ಕಳ್ಳಂಗ ವಾಸ
 ಇಂಜಂಡ್ ಆ ಬಟ್ಟೆಕಾಲೆ ತಿರ್ಗಾಡುವಯಿಂಗಳ ಕೊಂದಿತ್
 ಅಯಿಂಗಳಲ್ಲಿಂಜ ಪಣಕಾಸ್, ಮಾಲ್ಮಟತನ ಎಡ್ತಂಡ್
 ಬದ್ಕಿಯಂಡಿಂಜತ್. ದಿನಕ್ ಕಮ್ಮಿ ಎಣ್ಣಾನಕ 10-20 ಪ್ರಯಾಣಿಕಂಗಳ
 ಕೊಂದಿತ್ ಇಡುವಂಜತ್. ಕಳ್ಳ ಕಡವುಕ್ ಅಡಂಗ್ನ ನಾಲ್
 ಗ್ರಾಮಕಾರಕ್, ಕೊಲೆಯಾಯಿತ್ ಬುದ್ಧಿತಿಪ್ಪ ಚಾವುನ ದಫನ
 ಮಾಡುವದೇ ಪಣಿಯಾಯಿತಿಂಜತ್, ದಫನ ಮಾಡುವೇಂಗ್
 ಸಂಬಂದಪಟ್ಟ ಪಾಳೇಗಾರಂಡ ಕುರುವು ಸಹ ಅವಶ್ಯ ಇಲ್ಲೇಂಗಿ

ದಫನಮಾಡ್‌ನಯಿಂಗಳೆ ಕೊಂದಿತ್ ಎಣೆತ್ ಆಯಿಂಗಳ್ ಶಿಕ್ನೆ
 ಕೊಡ್‌ಪಂಜಂತ್ ಈ ತರತಾರ ತೊಂದರೆನ ನೀಸುವಕಾಯಿತ್
 ವನವಾಸಕ್ ಪೊರಟ ಶ್ರೀರಾಮ, ಸೀತೆ, ಲಕ್ಷ್ಮಣ ಇಯಿಂಗಳ ಪರಿವಾರ
 ಸೋಮವಾರಪೇಟೆ ತಾಲೋಕಾರ ರಾಮಸ್ವಾಮಿ ಕಣಿವೆಕ್ ಎತ್ತಿತ್
 ಒಳಿಂಜಿತಿಂಜಲ್ಲಿಕ್ ಕಳ್ಳಕಡವು ಕೋವುರ ನಾಲ್ ಗ್ರಾಮತಾರ
 ಮುಖಂಡಂಗ ರಾಮಸ್ವಾಮಿ ಕಣಿವೆಕ್ ಪೋಯಿತ್. ಅಲ್ಲಿ ಒಳಿಂಜಿತಿಂಜ
 ಶ್ರೀರಾಮನ ಕಂಡಿತ್ ಇಯಿಂಗಳ ಕಷ್ಟತನೋ, ಕಳ್ಳಕಡವುಲ್
 ನಡಂದಡುಳ್ಳ ದುಷ್‌ಕೃತ್ಯತನೋ ಅರಿಚಿಟ್ಟಿತ್, ಅಲ್ಲಿ ನಂಗಕ್
 ಬದುಕ್‌ವಕ್ ಕೈಯುಲೆ, ನಿಂಗ ವನವಾಸಕ್ ಅಯೋದ್ಯತಂಜ
 ಇಲ್ಲಿಕೆತ್ತನೆ ಬಂದಲ್ಲಿ ಎಲ್ಲಿಯಾಚೇಂಗಿ ನಂಗ ನಾಲ್‌ಗ್ರಾಮತಾರ ಜನ
 ಇಪ್ಪಚ್ಚಕ್ ಜಾಗ ಉಂಡೇಂಗಿ ಎಣ್ಣೆ ನಂಗ ಮಲಸೆ ಪೋಪ " ಎಣ್ಣೆತ್
 ಕೇಟಿಂಗ್ ಶ್ರೀರಾಮ ಎಲ್ಲಿಯೂ ನಾಲ್ ಗ್ರಾಮಕಾರ ಇಪ್ಪಚ್ಚಕ್ ಜಾಗ
 ಇಲ್ಲೆ, ಕಳ್ಳಕಡವುರಚ್ಚಕ್ ನಲ್ಲ ಜಾಗವು ಇಲ್ಲೆ ನಂಗ ಕಳ್ಳಿಂಗಳುಂಡ್
 ಆಪಂತ ಕಷ್ಟತನ ಪರಿಹಾರ ಮಾಡಿತಪ್ಪ " ಎಣ್ಣೆತ್ ಸಮಾದಾನ
 ಮಾಡಿತ್ ಆಯಿಪಕ್ ನೋಟ್‌ಚಿ. ನಾಲ್ ಗ್ರಾಮತಾರ ಮುಖಂಡಗಳೂ,
 "ಕಷ್ಟತನ ಏದ್ ರೀತಿಲ್ ಪರಿಹಾರ ಮಾಡಿವಿರಾಂದ್" ಕೇಟಿಂಗ್
 ಶ್ರೀರಾಮ "ಮಹಾಶಿವರಾತ್ರಿಕ್ ಒರ್‌ದಿನ ಮಿಂಞ ನಂಗ ಅಲ್ಲಿಕ್
 ಬಂದಿತ್ 28 ಕಳ್ಳಿಂಗಳ ಕೊಂದಿತ್ ನಿಂಗಡ ಕಷ್ಟ ಪರಿಹಾರ ಮಾಡುವ"
 ಎಣ್ಣೆಚಿ. ಆ ಭರವಸೆನ ನಂಬುನ ನಾಲ್ ಗ್ರಾಮತಾರ ಮುಖಂಡಂಗ
 ರಾಮ ಸ್ವಾಮಿ ಕಣಿವೆಲಿಂಜ ಬಯಕ್ ಬಂದಿತ್ ಮಹಾಶಿವರಾತ್ರಿ



ಆಚರಣೆ ಮಾಡುವ ದಿನತನ ಕಾತಂಡ್ ಶ್ರೀರಾಮಂಡ ಪರಿವಾರಂಗ
 ಬಪ್ಪ ನಿರೀಕ್ಷೆಲ್ ಇಂಜತ್. ಶ್ರೀ ರಾಮಂಡ ಪರಿವಾರ
 ಮಹಾಶಿವರಾತ್ರಿಕ್ ಒರ್‌ದಿನ ಮಿಂಞಾಲೇ ಅಯಿಂಡ ಭರವಸೆರ ಪೋಲೆ
 ಕೃತಾಯುಗತ್ ಸಾಕ್ಷಾತ್ ಪರಮಾತ್ಮ ಪ್ರತ್ಯಕ್ಷವಾಯಿತ್
 ಭೂಮಿಕ್‌ಳಂಜಿತ್ ಕಳ್ಳಕಡವುರಲ್ಲಿ ಆಳತ ಜಾಗಕೇ ಬಂದಿತ್ ಶ್ರೀ
 ರಾಮನೂ ಅಳತತ್ ಸುಮಾರ್ ಅಂದಿಯಾಪಕ ಪರಿವಾರತಲಿಂಜ
 ಪೊಣ್ಣಾಳುವಳ ಕಳ್ಳಂಗ ಇಂಜ ಬಟ್ಟೆಕಾಲೆ ಪೋಪಕ್ ಎಣ್ಣೆತ್,
 ಅಯಿಂಗಡ ಬಯ್ಯ ಶ್ರೀರಾಮಂಡ ಸೈನ್ಯತನೋ ಅಯಿಚತ್. ಕಳ್ಳಂಗ
 ಪೊಣ್ಣಾಳುವ ಆಲೆ ಪೋಪಾನ ನೋಟಾನ ಕಳ್ಳಂಗ ಪೊಣ್ಣಾಳುವಡ
 ಮಾಲ್ ಮಟತನ ಬಲಿಪಕ್ ಕೂಡ್‌ಚಿ. ಈನ ನೋಟಾನ ಶ್ರೀ
 ರಾಮಂಡ ಸೈನ್ಯ ಆ 28 ಕಳ್ಳಂಗಳ ಕೊಂದಿತ್ ಪೊಣ್ಣಾಳುವಳ ರಕ್ಷಣೆ
 ಮಾಡ್‌ಚಿ. ಕಳ್ಳಂಗಳ ಕೊಂದ ಪಾಪ ಪರಿಹಾರಕ್ಕಾಯಿತೂ, ಕಳ್ಳಂಗಡ
 ದುಷ್ಕೃತನ ನಿಂದತಲ್ಲಾಂದ್ ಎಣ್ಣೆವ ಕುಶಿಕ್ ಬಾರಿ ಅನ್ನ ಸಂತರ್ಪಣೆ
 ನಡತ್‌ಚಿ. ಆಚೇಂಗಿ ಶ್ರೀರಾಮಂಗ್ ಇದತ್ ತೃಪ್ತಿ ಆಕತೆ, ದುಖಿ:
 ಪಟ್ಟಿಂಡಿಂಜತ್ ಇದ್‌ನ ನೋಟಾನ ಲಕ್ಷ್ಮಣ "ಎಂತಂಗ್ ಅಣ್ಣ ಈ
 ತರ ದುಖಿ ಪಡುವಿಯಾ"ಂದ್ ಕೇಟತ್ ಆಂಗ್ ಶ್ರೀರಾಮ "28 ಕಳ್ಳಂಗಳ
 ಕೊಂದ ಪಾಪಕ್ ನಂಗ ಗುರಿಕಾರಂಗಳಾಯಿತ್ ನಂಗಕ್ ಮೋಕ್ಷ ಇಲ್ಲೆ
 ಎಣ್ಣೆಂಗಾಯಿತ್ ದುಖಿ: ಮಾಡಿಯಂಡುಳ್ಳಂದ್ ಎಣ್ಣೆಚಿ. ಲಕ್ಷ್ಮಣ
 "ಪಾಪ ಪರಿಹಾರಕಾಯಿತೆ ಅನ್ನ ಸಂತರ್ಪಣೆ ನಡ್‌ತಿತ್ತಲ್ಲಾಂದ್"
 ಎಣ್ಣೆಂಗ್ ಶ್ರೀರಾಮ " ನಾನು ನೀನು ಅಯೋದ್ಯತ್ ನಯಿಚಿತ್

ಮಾಡ್‌ನ ಸಂಪಾದನೆಲ್ ಸಂತರ್ಪಣೆ ಮಾಡ್ತಿಲ್ಲೆ, ಇಲ್ಲಿಯತ ನಾಲ್ ಗ್ರಾಮಕಾರ ಸಂತರ್ಪಣೆ ಮಾಡಿಯೆ ಅಯಿಂಗಡ ಪಾಪ ಪರಿಹಾರ ಆಯದೆ ವಿನಾಃ ನಂಗಡದಲ್ಲಾ"ಂದ್ ಲಕ್ಷ್ಮಣಂಗ್ ಸೂಚನೆಕೊಡತತ್.

ಲಕ್ಷ್ಮಣ : ನಂಗ ಆಂಗ್ ಎನ್ನ ಮಾಡಿಚೇಂಗ್ ಪಾಪ ಪರಿಹಾರ ಆಪಾಂದ್ ಕೇಟತ್

ಶ್ರೀರಾಮ : ನಾಳೆ ಮಹಾಶಿವರಾತ್ರಿ ಸೂರ್ಯ ಅಸ್ತಮ ಆಪಗ್‌ಂಜಿ ಮಿಂಞ ಕಾಶಿಲಿಂಜ ಶಿವಲಿಂಗ ಕೊಂಡ ಬಂದಿತ್ ಶಿವ ಪೂಜೆ ಮಾಡ್‌ಚೇಂಗ್ ಪಾಪ ಪರಿಹಾರ ಆಯಿತ್ ಮೋಕ್ಷ ಕ್‌ಟ್ಟುವ"ಂದ್ ಎಣ್ಣೆಚಿ.

ಲಕ್ಷ್ಮಣ : "ಅಂದಕ ಕಾಶಿಲಿಂಜ ಶಿವ ಲಿಂಗ ಕೊಂಡ ಬಂದಿತ್ ಶಿವ ಪೂಜೆ ಮಾಡಂಗ ಎಣ್ಣೆಚಿ"

ಶ್ರೀರಾಮ : "ಕಾಶಿಕೂ, ಕಳ್ಳಕಡವುಕೂ ಆಯಿರಗಟ್ಟಲೆ ಗಾವುದ ದೂರ ಉಂಡ್, ಒರೇ ದಿನತ್‌ರೊಳಲ್ ಅಚ್ಚಕ್ ದೂರ ಪೋಯಿತ್ ಶಿವಲಿಂಗ ಕೊಂಡ ಬಪ್ಪಕ್ ಕಯ್ಯುವಾ"ಂದ್ ಕೇಟತ್.

ಲಕ್ಷ್ಮಣ : "ನೀಡ ಭಕ್ತ ಹನುಮಂತಂಗ್ ಎಣ್ಣೆಚೇಂಗ್ ಓರ್ ಗಳಿಗಲ್ ಕೊಂಡ ಬಪ್ಪಾ"ಂದ್ ಎಣ್ಣೆಚಿ.

ಶ್ರೀರಾಮ : "ಹನುಮಂತಂಗ್ ಕೊಂಡ ಬಪ್ಪ ಸಾಮರ್ಥ್ಯ ಉಂಡ್

ಅವಂಗ್ ಎಣ್ಣೆ ನೋಟ್"ಂದ್ ಎಣ್ಣೆಚಿ.

ಲಕ್ಷ್ಮಣ : ಹನುಮಂತನ ಕಾಕಿತ್ ವಿಚಾರ ಎಣ್ಣಾಂಗ್ ಹನುಮಂತ
ಒತ್ತತ್. "ಕಾಶಿ ವಿಶ್ವನಾಥೇಶ್ವರ ಶಿವಲಿಂಗತ್‌ನ
ಒರ್‌ಗಳಿಗಲ್ ಕೊಂಡ ಬಪ್ಪಿ, ಒರ್ ಸಮಯ ಶಿವಲಿಂಗ
ತರತೆ ಪೊಚೀಂಗೀ"ಂದ್ ಕೇಟತ್.

ಶ್ರೀರಾಮ : "ಕಾಶಿ ವಿಶ್ವನಾಥೇಶ್ವರ ಶಿವಲಿಂಗ ತಪ್ಪ. ನೀನ್
ಪೋಯಿತ್ ಕೊಂಡ ಬಾ"ಂದ್ ಎಣ್ಣೆಚಿ.

ಹನುಮಂತ: "ಶಿವಲಿಂಗ ಕೊಂಡ ಬಕ್ಕಣೆಕ್ ನಿಂಗ ಇಲ್ಲಿಯೇ ಇಪ್ಪಿರಾ?
ಒರೇ ಜಾಗತ್ ದಂಡ್ ಬೈಟ್ ಇಂಜತೇಂಗಿ ನಿಂಗಡ
ಚಿಕ್ಕವ್ವ ಕೈಕೆಯು ಅಯಂಡ ಸೇವಕಿ ಮಂಥರೆಯು
ಅಯಿಂಗ ಪರಿವಾರ ಸಮೇತ ನಿಂಗಳ ಅಟ್ಟಿಯಂಡ್
ಬಪ್ಪಲ್ಲ ಆಂಗೆನ್ನ ಮಾಡುವಿರಾ"ಂದ್ ಕೇಟತ್.

ಶ್ರೀರಾಮ : "ನಂಗ ಇಲ್ಲಿ ಇಪ್ಪುಲೆ, ನಂಗ ಪೆರುಮಾಡ್‌ಕ್ ಪೋಪ.

ಹನುಮಂತ: ಶಿವಲಿಂಗ ಕಳ್ಳಕಡವುಲ್ ನಿಂಗ ಅಳತ ಜಾಗತ್ ಬೆಕ್ಕಡ
ಅಲ್ಲ ಪೆರುಮಾಡ್‌ಕ್ ಕೊಂಡ ಬರೊಂಡುವಾ"ಂದ್
ಕೇಟತ್.

ಶ್ರೀರಾಮ : ನಂಗ ಇಲ್ಲಿ ಅಳತ ಜಾಗತ್ ಶಿವಲಿಂಗ ಬೆಚ್ಚಿತ್,
ಮಂಗಲಾರತಿ ಮಾಡಿತ್, ಅದೇ ಶಿವಲಿಂಗ ಎಡ್‌ತಂಡ್



ಪೆರುಮಾಡ್‌ಕ್ ಬರೋಂಡೂ"ಂದ್ ಎಣ್ಣೆತ್
ಶ್ರೀರಾಮ ಪಿಂಞ ಅಯಂಗಡ ಪರಿವಾರ ಪೆರುಮಾಡ್‌ಕ್
ಪೋಚಿ, ಹನುಮಂತ ಕಾಶಿಕ್ ಪೋಚಿ.

ಕಾಶಿ ವಿಶ್ವನಾಥೇಶ್ವರ ಹನುಮಂತಂಗ್ ಶಿವಲಿಂಗ ತಪ್ಪಿ
ಇರ್ ಎಣ್ಣೆಯಂಡ್ ಮಹಾಶಿವರಾತ್ರಿರಂದ್ ಬೈಟ್ 6-
45 ಘಂಟೆ ಕತ್ತನೆ ಕೊಡ್‌ತಿತ್‌ಲ್ಲೆ, ಅಂದ್ ಸೂರ್ಯ
6.48 ಘಂಟೆಕ್ ಅಸ್ತಮ ಆಪ. 6.45 ಘಂಟೆರೊಳ್‌ಲ್
ಹನುಮಂತ ಶಿವಲಿಂಗ ಕೊಂಡ ಬರತಂಗಾಯಿತ್
ಶ್ರೀರಾಮ ಪೆರುಮಾಡ್‌ಲ್ ದುಖಿ: ಪಟ್ಟಂಡ್
ಅಳತತ್. ಇದ್‌ನಕಂಡ ಲಕ್ಷ್ಮಣ "ಎನ್ನಂಗಣ್ಣ ದುಖಿ:
ಚಿಡುವಿಯಾ"ಂದ್ ಕೇಟತ್.

ಶ್ರೀರಾಮ : "ನೀನೆ ಎಣ್ಣೆಯಲ್ಲಾ ಹನುಮಂತ ಒರ್‌ಗಳಿಗಲ್
ಕಾಶಿಕ್ ಪೋಯಿತ್ ಶಿವಲಿಂಗ ಕೊಂಡಬಪ್ಪಾ"ಂದ್
ಅವನೂ ಪೋಯಿತ್ 23.5ಘಂಟೆ ಆಚಿ. ಇಂಞು
ಸೂರ್ಯ ಅಸ್ತಮ ಆಪಕ್ 3 ನಿಮಿಷ ಮಾತ್ರ ಉಳ್ಳ .
ಆಂಡೋಳ್‌ಲ್ ಹನುಮಂತ ಕಾಶಿಂಜ ಶಿವಲಿಂಗ
ಎಡ್‌ತಂಡ್ ಬಪಕ್ ಕಯ್ಯಲೆ, 3 ನಿಮಿಷತ್‌ರೊಳಲ್
ಶಿವಪೂಜೆ ಮಾಡತೆ ಪೋಚಿಂಗಿ ನಂಗಕ್ ಮೋಕ್ಷ
ಇಲ್ಲೆಂದ್ ದುಖಿ:ಚಿಟ್ಟತ್.

ಲಕ್ಷ್ಮಣ: "ಕಾರ್ಂದೋಳಿ ತೆಳ್ಳಚಂಡ್" ನೀಡ ಭಕ್ತಂಗಕ್ ನೀನೇ
ಎಣ್ಣಾವಿಯಲ್ಲ ಸಾಕ್ಷತ್ ಪರಮಾತ್ಮ ಅಣುರೇಣು
ತ್ಯಣ ಕಾಷ್ಟಕತ್ಲಾ ಉಂಡ್‌ಂದ್. ಅನ್ನನೆ ಆಪಕ
ಕಾಶಿಲಿಂಜಿ ಕಲ್ಲರ ಶಿವಲಿಂಗ ಕೊಂಡ ಬಪ್ಪಂಡ
ಬದ್‌ಲ್ ಇಲ್ಲಿಯೇ ಮಣತ್‌ರ ಶಿವಲಿಂಗ ಮಾಡಿತ್
ಪೂಜ್‌ಚೇಂಗ್ ಅಪ್ಪುಲೆಯಾ."

ಶ್ರೀರಾಮ: "ಆಪ, ಆಚೇಂಗ್ ಈ ನೇರತ್ ದಾರ್ ಮಣತ್‌ಲ್
ಶಿವಲಿಂಗ ಮಾಡುವಾ"ಂದ್ ಕೇಟತ್.

ಲಕ್ಷ್ಮಣ : ನಂಗಡ ಪರಿವಾರಕ್ ಎಣ್ಣಾಚೇಂಗಿ ಓರ್ ಗಳಿಗಲ್
ಶಿವಲಿಂಗ ಮಾಡುವಾ"ಂದೆಣ್ಣಾಚಿ.

ಶ್ರೀರಾಮ : "ಅನ್ನನಾಚೇಂಗಿ ಆಯಂಗಕ್ ಎಣ್ಣಿತ್ ಶಿವಲಿಂಗ
ಮಾಡ್‌ಚಿಡ್"ಂದ್, ಎಣ್ಣಾಚಿ. ಲಕ್ಷ್ಮಣ ಪರಿವಾರಕ್
ಎಣ್ಣಿತ್ ಮಣತ್‌ರ ಶಿವಲಿಂಗ ಮಾಡಿತ್ ಕೊಡತತ್.
ಆಚೇಂಗೂ ಶ್ರೀರಾಮ ಪೂಜೆ ಮಾಡತೆ ದುಃಖಿಚಿಟ್ಟುಂಡ್
ಇಂಜತ್. ಈನಕಂಡ ಲಕ್ಷ್ಮಣ "ಎನ್ನಂಗಣ್ಣ ಶಿವಲಿಂಗ
ಆಯಿತೂ ಪೂಜೆ ಮಾಡತೆ ದುಃಖಿಚಿಟ್ಟುಂಡ್
ಉಳ್ಳಿಯಾ"ಂದ್ ಕೇಟತ್

ಶ್ರೀ ರಾಮ: "ಶಿವಲಿಂಗ ಆಚೇಂಗೂ, ಪಲಪುಷ್ಪ ಇಂಜತೇಂಗೂ

ತೀರ್ಥ ಇಲ್ಲತೆ ಪೂಜೆ ಎನ್ನನೇ ಮಾಡುವೋ"ಂದ್
ಕೇಟತ್.

ಲಕ್ಷ್ಮಣ: ಅದಾನ ಅಕ್ಕಲೇ ಎಣ್ಣೆತಿಂಜಕ ಆಪ ಇಂಜತ್"ಂದ್
ಎಣ್ಣೆತ್. ಅಲ್ಲಿಂಜಲೆ ಇರುಪು ಕುಂದಾಕ್ ಬಾಣ ಬುಟ್ಟಿತ್ ಅಲ್ಲಿ
ಲಕ್ಷ್ಮಣ ತೀರ್ಥ ಉದ್ಭವ ಆಚಿ. ಅಲ್ಲಿಂಜ ತೀರ್ಥ ಕೊಂಡ ಬಂದಿತ್
ಪೂಜೆಕ್ ಅಣಿ ಆಂಡು ಅಕ್ಕಣೆಕ್ ಹನುಮಂತ ಕಾಶಿಲಿಂಜ ಶಿವಲಿಂಗ
ಕೊಂಡ ಬಂದಿತ್, ಕಳ್ಳಕಡವುಲ್ ಬೆಚ್ಚಿತ್ ಮಂಗಲಾರತಿ ಮಾಡಿತ್
ಆನ ಎಡತಂಡ್ ಪೆರುಮಾಡಾಕ್ ಎತ್ತಿತ್ ನೋಟನಕೆ, ಮಣತಾರ
ಶಿವಲಿಂಗ ಮಾಡಿತ್ ಫಲಪುಷ್ಪ, ತೀರ್ಥ ಸಹಿತ ಪೂಜೆಕ್ ಅಣಿಯಾನನ
ಕಂಡಿತ್ ಚೆಡಿಲ್ ನನ್ನ ಅವಮಾನ ಮಾಡುವಕ್ಕಾಯಿತ್ ನಿಂಗ ಈ ರೀತಿ
ಮಾಡಿತ್ತುಳಿರಾಂದ್ ಪಾರಿಕಳಿಚಿತ್ ತಾಂಡ ಬಾಲತಾನ
ಇರುಪುಕುಂದಾಕ್ ಸುತ್ತಿತ್ ಕುಂದಾನ ಬಲಿಚಿತ್ ಬೂಕುವಕ್
ಸುರುಮಾಡಾಚಿ. ಇದಾನ ಅರಾಂಜ ಶ್ರೀರಾಮ ಹನುಮಂತನ ಸಮಾಧಾನ
ಪಡುತುವಕಾಯಿತ್ ತಬ್ಬಿಯಂಡ್ " ನಿನ್ನ ಅವಮಾನ
ಪಡುತುವಕಾಯಿತ್ ಈ ರೀತಿ ಮಾಡಿತ್ಲೆ. ನೀಕ್ ಶಿವಂಡ ಮೇಲೆ
ಎಚ್ಚಿಕ್ ಭಕ್ತಿ ಉಂಡ್. ಸ್ವಾಮಿನಿಷ್ಠೆ ಎಚ್ಚಿಕ್ ಉಂಡ್ ನೀಕ್ ಎಂತಾ
ಶಕ್ತಿ ಸಾಮರ್ಥ್ಯ ಉಂಡ್‌ಂದ್ ಭೂಲೋಕಕ್ ಕಾಟಾಂವಡೊಂದ್
ಎಣ್ಣೆಪ ಉದ್ದೇಶತ್ ಇಚ್ಚೆಕೆಲ್ಲಾ ನಡಾತಂಡೊಂದ್ ಆಚಿ. ನೀನೆ
ನಂಗಡ ಪಾಲ್‌ಕ್ ದೇವಾಂದ್ ಎಣ್ಣೆತ್ ಸಮದಾನ ಪಡುತುವಕಾಯಿತ್
ನೀನ್ ಕೊಂಡ ಬಂದ ಶಿವಲಿಂಗತಾನ ಪೆರುಮಾಡಾಲ್ ಪ್ರತಿಸ್ಥಾಪನೆ



ಮಾಡಿತ್ ಜಾಗ್ರಣೆ ಇಂಜಿತ್ ಭಜನೆ ಮಾಡಿತ್ ಪೊಲಾಕ 4 ಘಂಟೆಕ್
 ಮಹಾಮಂಗಳಾರತಿ ಮಾಡಿತ್ ಮಣತಾರ ಶಿವಲಿಂಗತನ ನಾಳೆ
 ಪೊಲಾಕ ಇರುಪು ಕುಂದಲ್ ಲಕ್ಷ್ಮಣ ತೀರ್ಥ ಉದ್ಭವ ಆನಲ್ಲಿಕ್
 ಕೊಂಡ ಪೋಯಿತ್ ಅಲ್ಲಿ ಬೆಚ್ಚಿತ್ ಲಕ್ಷ್ಮಣ ತೀರ್ಥತ್ ಪುಣ್ಯಸ್ನಾನ
 ಮಾಡಿತ್ ಮಂಗಳಾರತಿ ಮಾಡಿತ್ ತೀರ್ಥಪ್ರಸಾದ ಸ್ವೀಕಾರ ಮಾಡಿತ್
 ನಂಗಡ ವನವಾಸ ಪ್ರಯಾಣತನ ಮುಂದುವರಿಚಿಡಂಗಾಂದ್ ಸಮದಾನ
 ಪಡ್ತಿತ್ ಕಾಶಿಲಿಂಜ ಕೊಂಡ ಬಂದ ಶಿವಲಿಂಗತ್ ಪೆರಮಾಡಲ್
 ಪ್ರತಿಸ್ಥಾಪನೆ ಮಾಡಿತ್, ಜಾಗ್ರಹಣೆ ಇಂಜಿತ್ ಭಜನೆ ಮಾಡಿತ್
 ಪೊಲಾಕ 4 ಘಂಟೆಕ್ ಮಹಾಮಂಗಳಾರತಿ ಮಾಡಿತ್ ಮಣತಾರ
 ಶಿವಲಿಂಗ ಎಡತಂಡ್, ಇರುಪುಕ್, ಅಯಂಗಡ ಪರಿವಾರ, ಕಳ್ಳಕಡವು
 ಜಾಗತಾರ ನಾಲ್ಗ್ರಾಮತಾರ ಭಕ್ತಂಗ ಕೂಡಿತ್ ಪೋಯಿತ್, ಅಲ್ಲಿ
 ಪುಣ್ಯ ಸ್ನಾನ ಮಾಡಿತ್ ಮಹಾಮಂಗಳಾರತಿ ಮಾಡಿತ್ ತೀರ್ಥಪ್ರಸಾದ
 ವಿತರಣೆ ಮಾಡಿತ್ ಅಯಂಗಡ ವನವಾಸ ಪ್ರಯಾಣ
 ಮುಂದುವರಿಚುಡ್ವಕ ಕಳ್ಳಕಡವು ಜಾಗತಾರ ಭಕ್ತಂಗಕ್ ಶ್ರೀರಾಮ
 ಎಣ್ಣೆ ಚಿ. "ನಿಂಗ ಇಲ್ಲಿಂಜ ನಿಂಗಡ ಊರ್ಕ್ ಪೋಯಿ ಪ್ರತೀ ಕಾಲೋ
 ಕಳ್ಳಕಡವುಲ್ ನಂಗ ಅಳತಲ್ಲಿ ಶಿವರಾತ್ರಿಕ್ ಒರ್ದಿನ ಮಿಂಞ ಇರುಪು
 ಜಾತ್ರೆಕ್ ಆಲೆ ಬಪ್ಪ ಭಕ್ತಂಗಕ್ ಹೆಸರ್ ಕಂಜಿ, ರವೆ ಕಂಜಿ, ಕಳಂಜಿ
 ಇಂತಾನ ಕೊಡ್ತಿತ್ ಉಪವಾಸ ಆಚರಣೆಲ್ ಇರುಪುಕ್ ಆಯಕುಂಡು
 ಅಂದ್ ಬೈಟ್ ಅಲ್ಲಿ ಜಾಗ್ರಣೆ ಇಂಜಿತ್ ಪೊಲಾಕ 4ಘಂಟೆಕ್ ನಂಗ
 ಯಜ್ಞ ಮಾಡ್ನ ಕುಂದಲ್ ಹೋಮ ಇಟ್ಟಿತ್ ಪ್ರಸಾದ ಕೊಡ್ತಿತ್



ಇರುಪು ಜಾತ್ರೆ ತೇತಂಡ್ ಆ ಬಟ್ಟೆಲ್ ಬಪ್ಪ ಭಕ್ತಂಗಕ್ ಅನ್ನ ಸಂತರ್ಪಣೆ ಮಾಡುವಂಡು ಅಲ್ಲಿ ಅನ್ನ ಸಂತರ್ಪಣೆ ಎಡ್ತವತಯಿಂಗಕ್ ಮೋಕ್ಷ ಇಲ್ಲೇ"ಂದ್ ಶಾಪ ಇಟ್ಟಿತ್ ಆಯಿಂಗ ಮಿಂಗಳ್ ಪೋಚಿ. ಕಳ್ಳಕಡವುರ ಜಾಗತಾರ ಭಕ್ತಂಗ ಬಯ್ಯಕ್ ಬಂದಿತ್ ಶ್ರೀರಾಮ ಎಣ್ಣೆನ ಪೋಲೆ ಕಳ್ಳಕಡವುಲ್ ಹೋಮ ಇಟ್ಟಿತ್ ಅನ್ನಸಂತರ್ಪಣೆ ಮಾಡಿತ್, ಆ ಪೋಲೆ ಅಲ್ಲಿಂಜಿಪ್ಪರ ಕಲಿಯುಗತ್‌ಲೂ ಕಳ್ಳಕಡವುಲ್ ಮಹಾಶಿವರಾತ್ರಿ ಆಚರಣೆ ಮಾಡಿಯಂಡ್ ಶಿವರಾತ್ರಿಕ್ ಒರ್‌ದಿನ ಮಿಂಗಳ್ ಇರುಪುಕ್ ಪೋಪ ಯತ್ರಾತಿಯಕ್ ಉಪವಾಸ ಪ್ರಯುಕ್ತ ಹೆಸರ್‌ಕಂಜಿ, ರವೆಕಂಜಿ, ಕಳಂಜಿ ಪಲಹಾರ ಕೊಡ್‌ತಿತ್ ಇರುಪುಕ್ ಆಯಿಪ. ಪಿತ್ಯಾಂದ್ ಇರುಪುಲಿಂಜ ಈ ಬಟ್ಟೆಕಾಲೆ ಬಪ್ಪ ಭಕ್ತಂಗಕ್ ಅನ್ನ ಸಂತರ್ಪಣೆ ಕೊಡ್‌ತಂಡ್ ಉಂಡ್.

ದ್ವಾಪರ ಯುಗ : ತೂಚಮಕೇರಿ ಗ್ರಾಮತಾರ ಶಿವರಾತ್ರಿಪುರಂಲ್ ಪೆದಪೋನ ಕಳ್ಳಕಡವು ಎಣ್ಣೆವಲ್ಲಿ ಕೃತಾಯುಗತ್ ಸಾಕ್ಷತ್ ಪರಮಾತ್ಮ ಭೂಮಿಕ್ ಇಳಂಜಿ ಬಂದಿತ್ ಲೋಕ ಕಲ್ಯಾಣ ಕಾರ್ಯ ಆಚಿ. ತ್ರೈತಾಯುಗತ್‌ಲ್ ಪರಮಾತ್ಮ ಶ್ರೀರಾಮಂಡ ಅವತಾರತ್ ಭೂಲೋಕತ್ ಅವತಾರ ಎಡ್‌ತಿತ್ ವನವಾಸಕ್ಕಾಯಿತ್ ಕಳ್ಳಕಡವುಕ್ ಬಂದಿತ್ ಲೋಕ ಕಲ್ಯಾಣ ಕಾರ್ಯನಡತ್‌ಚಿ. ಆ ಪೋಲೆ ದ್ವಾಪರ ಯುಗತ್ ಸಾಕ್ಷತ್ ಪರಮಾತ್ಮ ಶ್ರೀಕೃಷ್ಣಂಡ ಅವತಾರತ್ ಕಳ್ಳಕಡವುಕ್ ಬಂದಳಿತ್ ಲೋಕ ಕಲ್ಯಾಣ ಕಾರ್ಯ ಈ ಕಥೆರ ಪೋಲೆ ನಡತ್‌ಚಿ.



ಪಂಚಪಾಂಡವಕೂ, ಕೌರವಕೂ ಪಗಡೆ ಜೂಜ್ ನಡಂದಲ್ಲಿ,
 ಜೂಜ್‌ಲ್ ಚೋತ ಪಂಚಪಾಡವಂಗ 12 ಕಾಲ ಮನವಾಸವೂ,
 ಒರ್ಕಾಲ ಅಜ್ಞಾತವಾಸಕ್ ಪೊರಟತ್. ಇಯಂಗಡ ವನವಾಸತ್‌ರ
 ಅವಧಿಲ್ ಶ್ರೀ ಕೃಷ್ಣನ ಪಂಚಪಾಡವಂಗ ಫಲ ರೀತಿಲ್ ದೂರಿಯಂಡ್
 ಬಪ್ಪಂಜತ್. ಕಳ್ಳಕಡವುಕ್ ಎತ್ತುವಕ್ 5 ದಿನತಿಯೆಲೆ ಶ್ರೀಕೃಷ್ಣನ
 ಪಂಚಪಾಂಡವಂಗ ದೂರಿಯಂಡಿಂಜಾಂಗಾಯಿತ್ ಅಯಿಂಗಕ್ ಬುದ್ಧಿ
 ಪಡಿಪ್‌ಚಿಡುವ ಕ್ಯಾಯಿತ್, ನೀರ್ ಇಲ್ಲತಲ್ಲಿಯೆ 5 ದಿನವೂ ನೀರ್
 ಇಲ್ಲತೆ ಸಹಿಸಿಯಂಡ್ ಬಂದನಕೆ ಅದೇ ದಿನ ಕಳ್ಳಕಡವುಕ್ ಎತ್‌ಚಿ,
 ನೋಟ್‌ವಕ ಇಲ್ಲಿಯೂ ನೀರಿಲ್ಲತಾನ ಕಂಡಿತ್. ಅಯಿಂಗ ದುಃಖತ್
 "ಹಾ ಪರಮಾತ್ಮ ಶ್ರೀ ಕೃಷ್ಣ ಇಂದೂ ನೀರ್ ಇಲ್ಲತ್ತಲ್ಲಿಯೆ.
 ಒಳಿವಕಾಚಾ"ಂದ್ ಎಣ್ಣಿಯಂಡ್ ನೀರ್ ಕ್‌ಟ್ಪಾವನಕೆ ಮಾಡ್‌ಂದ್
 ಬೋಡ್‌ಚಿ. ಅಯಂಗಡ ದುಃಖತ್‌ನ ಅರಿಂಜ ಶ್ರೀಕೃಷ್ಣ ಅಯಂಗಡ
 ಭಕ್ತಿಕ್ ಮೆಚ್ಚಿತ್ ಇಕ್ಕ ನಿಂಗಕ್ ಗೊತ್ತಾಚಿ ಶ್ರೀಕೃಷ್ಣ ಪರಮಾತ್ಮ"ಂದ್.
 ಅಕ್ಕ ನಿಂಗಡ ಭಕ್ತಿನ ಮೆಚ್ಚಿತ್ ನಿಂಗಡ ದುಃಖ ಪರಿಹಾರ
 ಮಾಡುವಕ್ಯಾಯಿತ್ ಇಲ್ಲಿಂಜ 1/4 ಗಾವುದ ದೂರತ್ ಬೇಲ್‌ರ ಮದ್ಯ
 ಓರ್ ಪುದಿಯ ಪೊನೆಕುತ್ತಿ ಮಾಡಿಯೆ ಅಲ್ಲಿಂಜ ನೀರ್ ಕೊಂಡ ಬಂದಿತ್
 ಇಲ್ಲಿ ಎತ್ತರ ಆಯಿತ್ ಉಳ್ಳ ಜಾಗ, ಕೃತಾಯುಗತ್ ಪರಮಾತ್ಮ
 ಅಳತಿತ್ ವಿಷ ಕುಡ್‌ಚಿ ಜಾಗತ್‌ಲ್ ನಾನ್ ಅಳ್‌ಪಿ, ಈಂಡ ಪಕ್ಕತ್‌ಲ್
 ಉಳ್ಳ ಕುಂಡ್ ಕೃತಾಯುಗತ್‌ಲ್ ಪರಮಾತ್ಮ ಯಜ್ಞ ಮಾಡ್‌ನ ಕುಂಡ್.
 ಇದ್‌ಲ್ ಹೋಮ ಇಟ್ಟಿತ್ ಮಾಡ್‌ನ ಪಾಪ ಪರಿಹಾರ ಆಡ್‌ಂದ್



ಪರಮಾತ್ಮನ ತುದ್‌ಚೋಳಿ"ಂದ್ ಎಣ್ಣೆಚಿ. ಆ ಪೋಲೆ ಪಂಚ ಪಾಡಂವಂಗ ನಡತನ ವಿಚಾರವೂ ಕೂಡ ತಂತ್ರಿಯ ಎಣ್ಣೆನದೂ, ಜೋತಿಷ್ಯತ್ ಅರಿಂಜ್ ಬಂದಿತ್. ಆ ಪೋನೆಕುತ್ತಿ ಇಕ್ಕಲು ಬೆಳ್ಳೂರು ಗ್ರಾಮತರ ಕಳ್ಳೇಂಗಡ ಒಕ್ಕಡ ಬೇಲ್‌ಲ್ ಉಂಡ್. ಇಂಗ್ ಪಂಚಪಾಡವಂಡ ಪೋನೆ ಕುತ್ತಿಂದೇ ಪೆದ ಪೋನದ್ ಎದೇ ಬರಗಾಲತೂ ನೀರಿಲ್ಲತ್ತಾಂಚೆಂಗೂ ಈ ಪಂಚಪಾಂಡವಡ ಪೋನೆ ಕುತ್ತಿಲ್ ನೀರ್ ಇಷ್ಟದ್ ಆಶ್ಚರ್ಯ ತರ ಸಂಗತಿ. ಈ ಪೋಲೆ ಪರಮಾತ್ಮ ಯುಗ ಯುಗತ್‌ಲ್ ಪ್ರತ್ಯೇಕ್ಷವಾಯಿತೂ ಅವತಾರಿಯಾಯಿತ್ ಈ ಸನ್ನಿಧಿಕ್ ಬಂದಿತ್ ಲೋಕ ಕಲ್ಯಾಣ ಕಾರ್ಯ ಮಾಡ್‌ನಾಂಗ್ ಪೆರ್ತ್ ನಿದರ್ಶನ ಉಂಡ್ ಎಣ್ಣುವಕ್ ಜೋತಿಷ್ಯತರ ಮೂಲಕ ಅರಿಂಜ ವಿಷಯತನ ಬೊಳಿಪಡುತುವಕ ಕುಷಿ ಆಪ.

ಕಲಿಯುಗ: ಎಲ್ಲಾ ಯುಗತ್‌ಲ್ ಪರಮಾತ್ಮ ಲೋಕ ಕಲ್ಯಾಣ ಕಾರ್ಯ ಪಿಂಞ ಶಾಂತಿ ಸ್ಥಾಪನೆ ಮಾಡ್‌ನ ಪೋಲೆ ಕಲಿಯುಗತ್‌ಲ್ ಈ ಪುಣ್ಯ ಕ್ಷೇತ್ರತರ ಜಾಗ ಪೆಮ್ಮಂಡ ಒಕ್ಕತರ ಆದಿ ಗುರು ಅಚ್ಚಂಬಲ್ಲಯಂಗ್ ಕೂಡ್‌ನದ್. ಅಚ್ಚಂಬಲ್ಲಯನೂ ಕೂಡ ತಾಂಡ ಜೀವ ಇಕ್ಕಣೆಕ್ ಈ ಜಾಗತ್ ಮಹಾಶಿವರಾತ್ರಿಕ್ ಉಪವಾಸ ವೃತಂದ್ ಹೆಸರ್‌ಕಂಜಿ, ರವೆಕಂಜಿ, ಕಳಂಜಿ ಪಲಹಾರ ಕೊಡ್‌ತಿತ್ ಇರುಪು ಜಾತ್ರೆಕ್ ಪೋಪಯಂಗಕ್ ನಲಯಲದ್ ಬಯಂದಿತ್ ಅಯಪ್ಪಂಜತ್. ಇರುಪು ಜಾತ್ರೆಯಿಂಜಿ ಬಪ್ಪಕ ಯಜ್ಞ ಕುಂಡ್‌ಲ್

ಹೋಮ ಇಟ್ಟಿತ್ ತೀರ್ಥಪ್ರಸಾದ ಕೊಡ್ತಿತ್ ಅನ್ನ ಸಂತರ್ಪಣೆ
 ಮಾಡುವಂಜತ್. ಅಚ್ಚಂಬಲ್ಲಯ್ಯಂಡ ಅಂತ್ಯತ್ ತಾಂಡ
 ಜವಾಬ್ದಾರಿಕೆನ ನಿಸುವಕಾಯಿತ್ ತಾಂಡ 6 ಕ್ಕಣ್ಣ ಮಕ್ಕಡ ಪೈಕಿ ಒರ್
 ಮೊವಂಗ್ 3 ಏಕ್ರೆ ಬೇಲ್ ಜಾಸ್ತಿ ಕೊಡುಪಂಜಿ ಮಹಾಶಿವರಾತ್ರಿ
 ಯಂದ್ ಈ ಸನ್ನಿಧಿಲ್ ಅನ್ನ ಸಂತರ್ಪಣೆ ಕೊಡ್ಪ ಏರ್ಪಾಡ್
 ಮಾಡಿತಿಂಜತ್. ಅಚ್ಚಂಬಲ್ಲಯ ಚತ್ತ ಪಿಂಞ ಜವಾಬ್ದಾರಿಕೆ
 ವಹಿಸಿಯಂಡಂವೊ ಈ ನಡಪುನ ನಿಪ್ಪಚಿಟ್ಟಿತ್. ಅಂದಂಜ ಆ
 ಭಾಗಕಾರಕ್ ತರಾವರಿ ತೊಂದರೆ ಕಷ್ಟಕ್ ಗುರಿಯಾಯಂಡ್ ಬಂದಿತ್
 1931ನೇ ಇಸವಿಲ್ ಈ ಜಾಗತ್‌ರ ಓರ್ ವ್ಯಕ್ತಿ ಪೆಮ್ಮಂಡ ಎಂ.
 ಉತ್ತಯ್ಯ ಎಣ್ಣುವಯಿಂಗ ದಾರ್‌ಕೂ ಗೊತ್ತಿಲ್ಲತೆ ಊರ್ ಬುಟ್ಟಿತ್
 ಪೋಯಿರ್‌ತ್. ಅಯಿಂಗ ಮೈಸೂರು ಜಿಲ್ಲೆರ ಕೃಷ್ಣರಾಜ ನಗರ
 ತಾಲೋಕ್ ಮಾಕೋಡ್ ಎಣ್ಣುವಲ್ಲಿಂಜಂಡ್ ಅಲ್ಲಿಯತ ಮಕ್ಕಕ್
 ವಿದ್ಯ ಪಡ್‌ಪುಚ್ಚಿಟ್ಟಂಡ್ ಜೀವನ ಸಾಗ್‌ಚಿಟ್ಟಂಡ್ ಜ್ಯೋತಿಷ
 ಪಡಿಚತ್. ಅಯಿಂಗ ಮನೆನೋ, ಊರ್‌ನೋ, ಬುಟ್ಟಿತ್ ಪೋನದು
 ಇಲ್ಲಿಯತರ ದೋಸತಿಂಜ ಮುಕ್ತನಾಯಿತ್ ನಲ್ಲರಿಕೆಲ್ ಬದುಕುವಕ್
 ಕಾರಣ ಆಚಿ. ಇಲ್ಲಿ ಅಯಿಂಗಡ ಅಜ್ಜ ಅನ್ನ ಸಂತರ್ಪಣೆನ
 ನಿಪ್ಪಚಿಟ್ಟಿಂಗಾಯಿತ್ ಪಟ್ಟಿ ಕಷ್ಟತ್‌ನ ನೀಕುವಕಾಯಿತ್ 24 ಕಾಲ
 ಕಯಿಂಜ ಪಿಂಞ ಊರ್‌ಕ್ ಬಂದಿತ್ 1957ಲ್, ಕಳ್ಳಕಡವುರ ಈ
 ಸನ್ನಿಧಿಲ್ ಒರ್ ಆಶ್ರಮ ಕೆಟ್ಟಿತ್ ಇಲ್ಲಿ ಮಹಾಶಿವರಾತ್ರಿಕ್ ಪಂಡ್
 ಯುಗ ಯುಗಾಂತರತಿಂಜಿ ನಡ್‌ಂದ್ ಬಂದನೆಕೆ ನಡಪಾನ

ನಡತಂಡೂಂದ್ ಕೆಲವು ಆಧ್ಯಾತ್ಮಿಕ ಚಿಂತಕಂಗಡ ಕೂಡೆ ಬೇರ ಕಂಡಿತ್
 ಆಶ್ರಮ ಕೆಟ್ಟುವಕ್ ವ್ಯವಸ್ಥೆ ಮಾಡುವ ಕಾಪಕ, ಆಂಗ್ ವಿರೋಧ
 ಮಾಡ್ನ ಒರ್ 18 ವಯಸ್ಸಾರ ಬಾಲ ಪೆಮ್ಮಂಡ ಸಿ.ಪೂಣಚ್ಚ.
 ಪೆಮ್ಮಂಡ ಎಂ. ಉತ್ತಯ್ಯ ಎಣ್ಣುವಯಂಗ ಲೋಕತ್‌ಲಿಪ್ಪಕ
 ಹುಣಸೂರು ತಾಲೋಕಾರ ಏಲಕ್ಕಿ ಕಟ್ಟೆ ಎಣ್ಣುವಲ್ಲಿ 10 ಏಕ್ರೆ
 ಜಾಗತ್‌ನ ಸರಕಾರತಿಂಜ ದರಕಾಸ್ತ ಪಡಂದಂಡ್ ಅನುಭವಿಚ್ಚಿಟ್ಟಂಡ್
 ಇಂಜಯಂಗ, ಅಯಂಗ ಆಶ್ರಮತ್‌ನ ಅಲ್ಲಿಯೇ ಕೆಟ್ಟಲಿಂಜತ್.
 ತೂಚಮಕೇರಿ ಗ್ರಾಮತ್ ಮಹಾದೇವಡ ನಮ್ಮೆಂದ್ ಪೊಚ್ಚಿಬುದಂಡ್
 ಗಲಾಟೆಕ್ ಅವಕಾಶ ಆಯಂಡಿಜಲ್ಲಿ ಒರ್ ಆಶ್ರಮ ಕೆಟ್ಟಿತ್
 ಶಿವರಾತ್ರಿರಂದ್ ಮಾತ್ರ ಅನ್ನ ಸಂತರ್ಪಣೆ ಮಾಡಿತ್ ದೋಷ ತೀವತೆ
 ಇಂಚ್ಚಕೂ ದೋಷಕ್ ಕಾರಣ ಆಪ, ಪೆಮ್ಮಂಡ ಎಂ. ಉತ್ತಯ್ಯಂಗ
 ಆಶ್ರಮಕೆಟ್ಟಿತ್ ಆಂಗ್ ದಿನ ನಿತ್ಯ ಪೂಜೆ ಪುನಸ್ಕಾರ ಇಲ್ಲತೆ, ಅಯಂಗ
 ಏಲಕ್ಕಿ ಕಟ್ಟೆಲ್ ಆಸ್ತಿ ರೂಪಿತ ಮಾಡಿಯಂಡಿಂಜಕ ತೊಂದರೆಕ್ ಆಪ
 ಎಣ್ಣುವ ಉದ್ದೇಶತ್ ವಿರೋದ ಮಾಡ್‌ನದಾಯಿತಿಂಜತ್.
 ವಿರೋದಿಚಿಟ್ಟ ಬಾಲೆಕಾರಂಡ ಅಪ್ಪ ಶ್ರೀ ಪೆಮ್ಮಂಡ ಎಂ. ಚಂಗಪ್ಪ
 ಇಯಂಗಡ ಪ್ರಬಲವಾನ ಬೆಂಬಲವೂ, ಪಣಕಾಸಾರ ಅಲ್ಲತೆ ಶಕ್ತಿ
 ಸಾಮರ್ಥ್ಯತಾರ ಬಲ ಶಾರೀರಿಕ ಬಲ ಕೊಡತಂಡಿಂಜಯಂಗ ವಿರೋಧ
 ಮಾಡ್‌ನ ತಾಂಡ ಮೋವನ ಅಡಕಿತ್ ಆಶ್ರಮ ಕೆಟ್ಟುವಕ್ ಬೆಂಬಲ
 ಕೊಡ್ತ ಪೋಲೆ 1957ನೇ ಇಸವಿ ಡಿಸೆಂಬರ್ 27 ತಾರೀಕರಂದ್
 ಆ ಜಾಗತ್ ಓರ್ ಅರಳಿ ಗಿಡ ಒರ್ ಬೇವುನ್ ಗಿಡ ಪಿಂಚ ಒರ್

ನೆಲ್ಲಿಗೆ ಗಿಡತಾನ ನಟ್ಟಿತ್ ಆಧ್ಯಾತ್ಮಿಕವಾಯಿತ್ ಪೂಜೆ ನಡತಿತ್ ಪ್ರಸಾದ
 ವಿತರಣೆ ಮಾಡ್ಚಿ. ಅಂದ್ ಪ್ರಸಾದ ಸ್ವೀಕಾರ ಮಾಡ್ನ ವಿರೋಧಿ
 ಬಾಲೆಕಾರಂಗ್ ಅಂದ್ ಬೈಟ್ ಚಾಕ್ರಿಕ್ ಸರ್ಕಾರತಿಂಜ ಆಯ್ಕೆ ಆನ
 ಆದೇಶಬಾತ್, ಪೋಲೆ ಆ ಬಾಲೆಕಾರ 1958ನೇ ಜನವರಿ 1ನೇ
 ತಾರೀಕ್ಲ್ ಸರ್ಕಾರಿ ಚಾಕ್ರಿಕ್ ಕೂಡ್ಚಿ. ಆ ಬಾಲೆಕಾರ ಒರ್ತಿಂಗ
 ಚಾಕ್ರಿ ಮಾಡಿತ್ 1958ನೇ ಪೆಬ್ರವರಿ ತಿಂಗತ್ 2ನೇ ತಾರೀಕ್ಲ್
 ತಾಂಡ ಸಂಬಳ ಪಡಂದಂಡ್ ಸುರುವತ ಸಂಬಳತ್ಲ್ ಅಪ್ಪ ಅಪ್ಪಂಗ್
 ಉ. 50-00ನ ಕೊಡುಪಕ್ಕಾಯಿತ್ ಮನೆಕ್ ಬಂದಲ್ಲಿ ತಾಂಡ ಅಪ್ಪಂಡ
 ಬೆಂಬಲತ್ ಪೆಮ್ಮಂಡ ಎಂ. ಉತ್ತಯ್ಯ ಎಣ್ಣಾವ ಚೋತಿಷ್ಯಕಾರ
 ಕಳ್ಳಕಡವುಲ್ ಆಶ್ರಮ ಕೆಟ್ಟುವಕ್ ಸುರುಮಾಡ್ನ ವಿಚಾರ ಅರ್ಂಜತ್.
 ಅಪ್ಪ ಅಪ್ಪಂಗ್ ಕೊಡ್ಪಕಾಯಿತ್ ಎಡ್ತ ಬಂದ ಉ. 50ನ ಅಪ್ಪ
 ಅಪ್ಪಂಗ್ ಕೊಡ್ಕತೆ ಆಶ್ರಮ ಕೆಟ್ಟುವಕ್ ಸುರುಮಾಡನಯಂಗಕ್
 ಕೊಡ್ತತ್. ಅಯಿಂಗ ತಾಂಡ ಸೇವೆಯಲ್ಲತೆ ಉದಾರಿ ಧಾರ್ಮಿಕ
 ಬಾವಿಯಳಾನ ಭಕ್ತಂಗಡ ಸಹಾಯತ್ ಚೆರಿಯದಾಯಿತ್ ಆಶ್ರಮ
 ಕಟ್ಟಡ ಕೆಟ್ಟಿತ್ ಅದೇ ಕಾಲ ಮಹಾಶಿವರಾತ್ರಿ ಉತ್ಸವ ತಾನ ನಡತಿತ್
 1980 ನೇ ಇಸವಿಕೆತ್ತನೆ ದಿನನಿತ್ಯ ಪೂಜೆ ಪುನಸ್ಕಾರ ಇಲ್ಲತೆ
 ಪೋಚೇಂಗೂ ಮಹಾಶಿವರಾತ್ರಿ ಉತ್ಸವತಾನ ಶೃದ್ಧೆ ಪಿಂಞ ಭಕ್ತಿಲ್
 ನಡತಿಯಂಡಿಂಜತ್. 1986ಲ್ ಅಯಿಂಗ ಮರಣಪಟ್ಟದೇ ಅಯಿಂಗಡ
 ತಮ್ಮಣ್ಣಂಡ ಮಕ್ಕ ಆಶ್ರಮತಾನ ಬಾಗಮಾಡಿಯಂಡ್ ಆಶ್ರಮತ್
 ಪೂಜೆ ಪುನಸ್ಕಾರ ಮಾಡುವಾಂಡ ಬದಲ್, ಸಂಸಾರ ಮಾಡಿತ್

ದೋಷಕ್ ಕೆಣಂಜತ್. ದೋಷಕ್ ಕೆಣಂಜ ವಿಚಾರ ಜೋತಿಷ್ಯತ್ ಅರಂಜಿತ್ ಆರುಂಗಳೂ ಆಶ್ರಮ ಖಾಲಿ ಮಾಡ್‌ನದೂ ಕ್ರಮೇಣ ಆಶ್ರಮ ಇಡಿಂಜಿ ಬುದ್ದಾನ ತಮ್ಮಣ್ಣಂಗಡ್ ಮಕ್ಕ ವೃತ್ತಿತ್ ಮಾರುವ ಪ್ರಯತ್ನ ಮಾಡಿತ್, ಕ್ರಯಕ್ ಎಡ್‌ತಯಿಂಗ ಆನ ಉತ್ತುವಕ್ ಕಯ್ಯತಾಚಿ. ಕ್ರಯಕ್ ಕೊಡ್‌ತಯಿಂಗಕೂ ಕ್ರಯಕ್ ಎಡ್‌ತಂಡ್ ಉತ್ತುವಕ್ ಪ್ರಯತ್ನಪಟ್ಟಿಯಿಂಗಕೂ, ವಿಪರೀತ ತೊಂದರೆ, ಕೇಡ್‌ಕ್ ಗುರಿಯಾಚಿ.

ಈ ದೋಷ ಅರಿಂಜದೂ, ಆಶ್ರಮ ಕೆಟ್ಟ್‌ನ ಉತ್ತಯ್ಯಂಡ ತಮ್ಮಣ್ಣಂಗಡ್ ಮಕ್ಕ ಆಶ್ರಮ ಕೆಟ್ಟುವಕ್ ವಿರೋಧ ಮಾಡ್‌ನ ಬಾಲೆಕಾರನ ಕಂಡಿತ್ ಆನ ಜೀರ್ಣೋದ್ಧಾರ ಮಾಡುಂಡೂಂದ್ 1988ಲ್ ಒತ್ತಾಯ ಮಾಡ್‌ಚಿ. ಆಶ್ರಮ ಕೆಟ್ಟುವಕ್ ವಿರೋಧ ಮಾಡ್‌ನ ಬಾಲೆಕಾರ ಬಾಲ ಬ್ರಹ್ಮಚಾರಿಯಾಯಿತ್ ಆಧ್ಯಾತ್ಮಿಕ ಬಟ್ಟೆಲ್ ನಡಂದಂಡಿಂಜಾನಗುಂಡ್ 1988ಲ್ ಆಶ್ರಮತ್‌ರ ಜೀರ್ಣೋದ್ಧಾರ ಕಾರ್ಯತ್‌ನ ತಾಂಡ ಸ್ವಂತ ಖರ್ಚಿಲ್ ಮಾಡಿತ್, ಅದೇಕಾಲ ಗುರು ದೀಕ್ಷೆ ಪಡಂದಿತ್, ಕಾಶಿ ಅಲ್ಲತೆ ಸುಮಾರ್‌ಕೆಲ್ಲ ತೀರ್ಥಯಾತ್ರೆ ಮಾಡಿತ್ ಆಶ್ರಮತ್‌ರ ಜವಾಬ್ದಾರಿಕೆನ ಏದೇ ಎದ್ ರೀತಿರ ವರಮಾನ ಇಲ್ಲತೆ, ಆಶ್ರಮತ್‌ರ ಆಧ್ಯಾತ್ಮಿಕ ಕಾರ್ಯಕ್ ಮೊಟ್ಟ್‌ಇಟ್ಟಿತ್ ಅದೇ ಕಾಲ ಎಚ್ಚೆಕೋ ಕಾಲತಿಂಜ ನಿಂದ್‌ಪೋನ ಶಿವರಾತ್ರಿ ಉತ್ಸವತ್‌ನ ಬಾರಿ ಬಲ್ಯ ಭಕ್ತಾದಿಯಂಗಳ ಕೂಟಿತ್ ನಡತ್‌ಚಿ. ಅಲ್ಲಿಂಜಿ ಇಪ್ಪರ ಅಡತಡೆ ಇಲ್ಲತೆ ಪ್ರತೀ ಕಾಲೋ



ಸರ್ವಧರ್ಮಕ್ ಕೂಡಾನನಕೆ ಎಲ್ಲಾ ಧರ್ಮತರ ಉತ್ಸವತನೋ ವಿಜೃಂಭಣೆಲ್ ನಡತಿಯಂಡ್ "ಸರ್ವಧರ್ಮ ಅನಾಥಾಶ್ರಮಂ"ದಾ ನಾಮಕರಣ ಮಾಡಿತ್ ಏದೇ ಧರ್ಮತರ ಅನಾಥಂಗ ಬಂದಕ ಅಂತಯಿಂಗಕ್ ಬಣ್ಣೆ ಊಟೋಪಚಾರ ಮೇಲ್ಕ್ ಬಟ್ಟೆ ಕೊಡತಂಡ್ ಆಶ್ರಮತನ ನಡತಿಯಂಡುಳ್ಳದ್ ಆತ್ಮಕ್ ಒರ್ ನೆಮ್ಮದಿ ಶಾಂತಿ ಕಾಟ್ತ್ಯೆತ್. ಎದೇ ಅನಾಥಂಗ ಇಲ್ಲಿಕ್ ಬಂದಿತ್. ತ್ಯಾಗಿಯಾಯಿತ್ ಕೂಡಚೇಂಗಿ ಅಯಿಂಗಡ ಬಾಳಲ್ ಆತ್ಮಕ್ ಶಾಂತಿಯೂ ಮನಸ್ಕ್ ನೆಮ್ಮದಿಯೂ ಕಾಟ್ಟುವ. ತ್ಯಾಗಿ ಅಲ್ಲತೆ ಸ್ವಾರ್ಥ ಮನೋಭಾವನೆಲ್ ಕೂಡನಯಂಗ ಕೇವಲ ಒಂದ್ ದಂಡ್ ತಿಂಗ ಮಾತ್ರ ಇಲ್ಲಿ ಇಂಜಿತ್ ಕಟ್ಟಂಡ್ ಪೋಪ. ತ್ಯಾಗಿಯಕ್ ಮಾತ್ರ ಇಲ್ಲಿ ಪರಮಾತ್ಮ ಅವಕಾಶ ಕೊಡತಂಡುಳ್ಳ ಅನುಭವ ಆಯಿತ್. ಇಂತ ಅಭಿವೃದ್ಧಿ ಬೊಳಚೆಕ್ ಆಧ್ಯಾತ್ಮಿಕ ತ್ಯಾಗಿಯಡ ಸಹಕಾರ ಬಯದಂಡ್ ಈ ಕ್ಷೇತ್ರ ಇಂಞಚ್ಚಕೂ ಶ್ರೇಷ್ಠತೆ ಪಡೆಯಡೇಂದ್ ಪರಮಾತ್ಮನ ತುದಿಪ.

ಈ ಸನ್ನಿವೇಶ ಸಂದರ್ಭ ಅಲ್ಲತೆ ವಿಪರೀತವಾಯಿತ್ ಈ ಸನ್ನಿಧಿಲ್ ಆಧ್ಯಾತ್ಮಿಕ ಪವಾಡ ನಡಂದ್ ಬಂದಾಂಗಮಿತಿ ಇಲ್ಲೇಂದ್ ಪೆರಿಯಯಿಂಗ ಎಣ್ಣೆವಂಜದ್ ಇಂದೆಕೆತ್ತನಕೆ ಕೇಟಂಡುಂಡೇಂದ್ ಎಣ್ಣೆವಕ್ ಸಂತೋಷ ಆಪ.



ಕರ್ನಾಟಕ ಕೊಡವ ಸಾಹಿತ್ಯ ಅಕಾಡೆಮಿ, ಮಡಿಕೇರಿ



ಶ್ರೀ ಚಿರಿಯಪಂಡ ಎಂ. ರಾಜಾ ನಂಜಪ್ಪ

ರಿಜಿಸ್ಟ್ರಾರ್

ಶ್ರೀ ಕೆ. ದಾಮೋದರ

ಸದಸ್ಯಂ

ಶ್ರೀ ಬಿದ್ದಾಟಂಡ ಎಸ್. ತಮ್ಮಯ್ಯ

ಶ್ರೀ ಮುಕ್ಕಾಟಿರ ಎ. ವಸಂತ

ಶ್ರೀ ತೆನ್ನೀರ ರಮೇಶ ಪೊನ್ನಪ್ಪ

ಶ್ರೀ ಚಿಕ್ಕೇರ ಎ. ತ್ಯಾಗರಾಜ್

ಮುಕ್ಕಾಟಿರ ಡಾ|| ನೀಲಮ್ಮ ಮುತ್ತಣ್ಣ

ಶ್ರೀಮತಿ ತಾತಂಡ ಪ್ರಭಾ ನಾಣಯ್ಯ

ಶ್ರೀ ಅಮ್ಮಣಂಡ ಎಂ. ಅಣ್ಣಯ್ಯ

ಶ್ರೀ ಹೆಚ್. ಮುದ್ದು ಮೈತಾಡಿ

ಶ್ರೀ ಪಾಲಂದಿರ ಪಿ. ದೇವಯ್ಯ

ಶ್ರೀಮತಿ ಉಳ್ಳಿಯಡ ಡಾಟಿ ಪೂವಯ್ಯ

ಶ್ರೀ ಐತಿಚಂಡ ರಮೇಶ್ ಉತ್ತಪ್ಪ

ಶ್ರೀ ಪುತ್ತಾಮನೆ ಗಣೇಶ್ ಮುದ್ದಮ್ಮಯ್ಯ

ಶ್ರೀ ಪೊಕ್ಕಳಿಚಂಡ ಬಿ. ಪೂಣಚ್ಚ

ಕರ್ನಾಟಕ ಕೊಡವ ಸಾಹಿತ್ಯ ಅಕಾಡೆಮಿ, ಮಡಿಕೇರಿ

ಸ್ಕಾಟ್ ಭವನ ಜಿಲ್ಲಾ ಕ್ರೀಡಾಂಗಣ

ಫೋನ್-229074



ಪ್ರಕಟಣಾ ಸಮಿತಿ

ಅಧ್ಯಕ್ಷ

ಶ್ರೀ ಚರಿಯಪಂಡ ಎಂ. ರಾಜಾ ನಂಜಪ್ಪ

ರಿಜಿಸ್ಟ್ರಾರ್

ಶ್ರೀ ಕೆ. ದಾಮೋದರ

ಸದಸ್ಯಂಗ

ಶ್ರೀಮತಿ ಉಳ್ಳಿಯಡ ಡಾಟಿ ಪೂವಯ್ಯ

ಶ್ರೀ ಚಕ್ಕೇರ ಎ. ತ್ಯಾಗರಾಜ್

ಶ್ರೀ ಐತಿಚಂಡ ರಮೇಶ್ ಉತ್ತಪ್ಪ

ಶ್ರೀಮತಿ ತಾತಂಡ ಪ್ರಭಾ ನಾಣಯ್ಯ

ಶ್ರೀ ಅಮ್ಮಣಂಡ ಎಂ. ಅಣ್ಣಯ್ಯ

ಪರಿಚಯ



ವಿರಾಜಪೇಟೆ ತಾಲೋಕು, ಹುದಿಕೇರಿ ಹೋಬಳಿ ತೂಚಮಕೇರಿ ಗ್ರಾಮತೌರ ಶ್ರೀಮತಿ /ಶ್ರೀ ಪೆಮ್ಮಂಡ ಎಂ. ಚಂಗಪ್ಪ ದಂಪತಿಯಡ ಪೆರಿಯ ವೊಂವನಾಯಿತ್ 1936ನೇ ಜೂನ್ 12ನೇ ತಾರೀಕ್‌ಲ್ ಜನ್ಮ ಪಡಂದತ್. ತೂಚಮಕೇರಿ ಪ್ರಾಥಮಿಕ ಸ್ಕೂಲ್, ಹುದಿಕೇರಿ ಮಿಡ್ಲ್ ಸ್ಕೂಲ್, ಪೊನ್ನಂಪೇಟೆ ಹೈಸ್ಕೂಲ್ ಪಿಂಞ ಸರಕಾರಿ ಕಾಲೇಜ್‌ಲ್ ಇಂಟರ್ ಮೀಡಿಯಟ್‌ಕೆತ್ತನೆ ವಿದ್ಯಾಭ್ಯಾಸ ಪಡಂದಂಡ್ ತಮಿಳ್ ನಾಡ್‌ರ ಕುಂಬಕೋಣತ್ ಹೋಮಿಯೋಪತಿ ವೈದ್ಯಪದ್ಧತಿರ ಡಿಪ್ಲಮೋ ಮಾಡಿತ್ 1958 ಭಾರತ ಸರಕಾರತ್‌ರ ಸಿ. ಐಲೆಂಡ್ ಹತ್ತಿ ಅಭಿವೃದ್ಧಿ ಯೋಜನೆಲ್ ಚಾಕ್ರಿಕ್ ಕೂಡಿತ್. 1994ಲ್ ಕೂಡಿಗ್ ಸರಕಾರಿ ಕೃಷಿ ಕ್ಷೇತ್ರತ್‌ರ ಅಧೀಕ್ಷಕನಾಯಿತ್ (ಸೂಪರಿಟೆಂಡೆಂಟ್) ನಿವೃತ್ತಿ ಯಾಯಿತ್ ತೂಚಮಕೇರಿ ಗ್ರಾಮತ್ ಸರ್ವೆ ಧರ್ಮ ಅನಾಥಾಶ್ರಮ ಸ್ಥಾಪಕ ಬಾಲ ಬ್ರಹ್ಮಚಾರಿಯಾಯಿತ್. ವಿದ್ಯಾರ್ಥಿ ಜೀವನತೇ ಪೊನ್ನಂಪೇಟೆ ಶ್ರೀ ಶಾರದಾ ರಾಮಕೃಷ್ಣ ಸೇವಾ ಆಶ್ರಮತ್‌ರ ಭಕ್ತನಾಯಿತ್ ಜೀವಮಾನ ನಡ್‌ತಿಯಂಡ್ ಬಪ್ಪಕ್ ಮೂಲತಃ ಅಜ್ಜ ದಿವಂಗತ ಪೆಮ್ಮಂಡ ಪಿ. ಮಂದಯ್ಯ ಉಪಾದ್ರಿರ ಆಧ್ಯಾತ್ಮಿಕ ಮಾರ್ಗದರ್ಶನ ಪಿಂಞ ಅಪ್ಪ ಅವ್ವಂಡ ಮಾರ್ಗದರ್ಶನತ್‌ಲ್ ಆಧ್ಯಾತ್ಮಿಕ ಜೀವನ ನಡುತುವಕ್ ಮನಸ್ ಮಾಡಿತ್ 1989ಲ್ ಹರಿದ್ವಾರ, ಹೃಷಿಕೇಶತ್‌ಲ್ ಋಷಿ ಮುನಿಯಡ ಆಶೀರ್ವಾದ ಪಡ್‌ಂದಂಡ್ ದೀಕ್ಷೆ ಎಡ್‌ತಂಡ್ ಆಶ್ರಮತ್‌ಲ್ ಆಧ್ಯಾತ್ಮಿಕ ಕಾರ್ಯ ನಡ್‌ತಿಯಂಡ್, ಕೂಟ್‌ಕ್ ಸಮಾಜ ಸೇವೆನೋ, ಅಭಿವೃದ್ಧಿ ಕಾರ್ಯತ್‌ನೋ, ನಡ್‌ತಿಯಂಡ್ ಜೀವನ ಸಾಗಿಚಿಡುವ ಪ್ರಯತ್ನ ಮುಂದ್‌ವರಿಯುವದಲ್ಲತೆ ಗೆರೀಬ ವಿದ್ಯಾರ್ಥಿಯಕ್ ಬಟ್ಟೆಪುಸ್ತಕ ಕೊಡುಪದಲ್ಲತೆ ಪಣ ಸಹಾಯ ಮಾಡಿಯಂಡುಳ ಕಾರ್ಯಕ್ರಮತ್‌ನ ಜೀವನ ಪರಿಯಂತ ನಡುತುವಕೂ, ಶಾಶ್ವತವಾಯಿತ್ ಈ ಯೋಜನೆ ಮುಂದ್‌ವರಿಯುವನಕೆ ಶಾರದಾಂಬೆರ ಆಶೀರ್ವಾದ ಬೋಡಿಯಂಡ್ ಉಳ್ಳ ಒರ್ ಭಗವತ್ ಸೇವಕ.